



74
6640
61



74
6640
61



五禮通考卷第一百五十八

內廷供奉禮部右侍郎金寶纂惠編輯 翰林院編修嘉慶錢天昕
李太保總督蘇都德桐城方觀承同訂 真錄按察司副使元和宋完 參校

嘉禮三十一

饗燕禮

周禮天官膳夫王燕飲酒則為獻主

注鄭司農云主人當獻賓則膳夫代王為主君不敵

臣也燕義曰使宰夫為獻主臣莫敢與君九禮 疏謂王與臣以禮燕飲則膳夫為獻主案儀禮使宰夫為獻主此天子使膳夫為獻主皆是飲食之官代君酌臣

酒正凡王之燕飲酒共其計酒正奉之

注其共計者獻酬多寡度當足也

春官鞀屨氏掌四夷之樂與其聲歌祭祀則飲而歌之

注飲之以管籥為之聲

燕亦如之

注相左右 疏此燕飲謂與諸侯燕若

夏官太僕王燕飲則相其灋

注相左右 疏此燕飲謂與諸侯燕若與羣臣燕之等皆是

秋官司儀王燕則諸侯毛

注謂以須髮坐也朝事尊尊上爵燕則親親上齒鄭司農云謂老者在上也老者二毛故

五禮通考卷第一百五十八 饗燕禮

木下中也
贈
寄

日毛疏此燕則公三燕侯伯再燕子男一燕朝事上爵者
依爵尊卑為先後燕則不問爵之尊卑取以年齒為先後也

陳氏祥道曰於司儀見王所以燕諸侯者以齒也故
曰王燕則諸侯毛於膳夫見王所以為燕者非自為
主也故曰王燕飲則為獻主於太僕見王所以燕者
必於內朝也故曰王燕則太僕相其法於酒正見王
所以燕賓者必有多寡之數也故曰王燕則共其計
於鞮屨氏見王所以燕者必有樂也故曰掌四夷樂
與其聲歌祭祀則歛而歌之燕亦如之然其牢禮之
物獻酬之數衣服器皿之用與夫樂舞節奏皆不得
而詳故孔穎達謂天子燕禮已亡也

蕙田案以上天子燕禮

禮記郊特牲三獻之介君專席而酢焉此降尊以就卑
也注三獻卿大夫來聘主君饗燕之以介為賓賓為尊敬則徹重席而受酢也專
猶單也疏謂諸侯遣卿來聘卿禮三獻其副為大夫與卿為介謂之三獻之

介大夫席雖再重今為介降一席祇合專席主君若受此介之酢尊雖是諸侯介
三重之席必徹去重席單席而受焉降諸侯之尊以就介之卑也五等諸侯之卿
皆三獻若春秋之時則與此禮異若大國之卿則禮同子男故昭元年鄭人饗趙
孟具五獻邊豆杜注朝聘之制大國之卿五獻其侯伯次國其卿與大國大夫同
故昭六年季武子云下臣得貺
不過三獻杜云大夫三獻是也

蕙田案此諸侯燕聘賓之禮

檀弓朝不坐燕不與注朝燕于寢大夫坐于上士立于下疏若路門外
齊升堂則坐也燕禮獻卿大夫及樂作之後西階上獻士
士既得獻者立于東階下西面無升堂之文是士立于下

蕙田案燕禮士非不與云不與者謂不與堂
上之位

又案此諸侯燕其臣之禮

少儀凡祭于室中堂上無跣燕則有之注祭不跣者主敬也燕
則有跣為歡也燕所尊

在堂將燕降
脫屣乃升堂

凡飲酒為獻主者執燭抱燋客作而辭然後以授人注為
也主人親執燭敬賓示不倦也言
獻主者容君使宰夫也未熟曰燋執燭不讓不辭不歌殺疏禮賓主

有讓及更相辭謝又各歌詩相顯今既夜莫所以殺於三事

蕙田案此燕時雜儀

鄭康成詩譜其用於樂國君以小雅天子以大雅然而饗賓或上取燕或下就何者天子饗元侯歌肆夏

合文王諸侯歌文王合鹿鳴諸侯於鄰國之君與天子於諸侯同

子於諸侯同疏左傳曰肆夏天子所以饗元侯魯語曰金奏肆夏樂過不得歌之肆夏頌之族類頌下惟有大雅故知於諸侯歌文王也傳又言文王

禮合樂皆降於升歌則知歌文王者當合鹿鳴歌肆夏者當合文王也傳言金奏肆夏此云歌者凡樂之初作皆擊金奏之論語云始作翕如也鄭云始作謂

金奏左傳云歌鐘二肆是歌必以金奏之其實文王鹿鳴亦金奏肆夏亦工歌互言之也此歌在堂上故郊特牲云歌者在堂上貴人聲也其合樂則在堂下故

降升歌一等元侯謂諸侯之長牧伯也牧伯與上公則為大國其餘侯伯為次國子男為小國非元侯也故總謂之諸侯用樂與兩君相見之樂同儀禮注云

兩君相見歌大雅合小雅天子與次國小國之君燕亦如是也仲尼燕居云兩君相見升歌清廟下管象彼兩元侯相見法也元侯相見亦與天子于元侯

同不歌肆夏遊天子也其元侯於次國小國亦當與諸侯于鄰國同天子諸侯燕羣臣及聘問之賓皆歌鹿鳴合鄉樂

疏天子諸侯于國君皆云饗于臣皆云燕所以見尊卑之禮異臣與國君別其等其實國君與

臣饗燕皆有何者周禮掌客職曰上公三饗三燕是天子於諸侯饗燕俱有也鹿鳴天子小雅而序曰燕羣臣嘉賓也既飲食之箋云飲之而有幣酬則饗所

用是天子於羣臣饗燕俱有也左傳曰晉侯使士會平王室定王饗之又曰晉士文伯如周王與文伯燕是天子於聘問之賓饗燕俱有也秋官司儀職曰凡

諸公相為賓致饗食左傳曰公與晉侯燕于河上是諸侯相於饗燕俱有也左傳曰穆叔如晉晉侯饗之聘禮曰公於賓再饗一燕是諸侯於聘問之賓饗燕

俱有也左傳曰季文子如宋致女復命公饗之燕禮燕已之臣子是諸侯自於羣臣饗燕俱有也其用樂由尊卑為差不由饗燕為異燕禮燕鄰國聘問之賓

歌鹿鳴晉侯饗穆叔歌鹿鳴之三三拜是其用樂同也故儀禮注引穆叔之辭乃云然則諸侯相與燕升歌大雅合小雅天子與次國小國之君燕亦如之與

大國之君燕升歌頌合大雅所言用樂與此饗同是天子諸侯于國君饗燕同樂也此用樂之差謂升歌合樂為例其舞則燕禮云若舞則酌是諸侯於臣得

用頌與此異也又郊特牲曰大夫之奏肆夏自趙文子始注云借諸侯明諸侯得奏肆夏故郊特牲又曰賓入門而奏肆夏示易以敬注云賓朝聘者也又大射燕禮納賓皆云及庭奏肆夏及周禮注杜子春云賓來奏

蕙田案此論燕時之樂

詩小雅鹿鳴序鹿鳴燕羣臣嘉賓也既飲食之又實幣

帛筐篚以將其厚意然後忠臣嘉賓得盡其心矣箋飲之

酬幣也食之而有幣帛幣也疏燕禮賓惟一人而云羣臣皆為嘉賓者燕禮于客之內立一人為賓使宰夫為主與之對行禮耳其實君設酒飯羣臣皆在君為

之主羣臣總為賓也燕禮云若與四方之賓燕則迎之于大門內其燕皆與臣同則此嘉賓之中容四方之賓矣

朱子曰君臣之分以嚴為主朝廷之禮以敬為主然
一于嚴敬則情或不通而無以盡其忠告之益故先
王因其飲食聚會而制為燕饗之禮以通上下之情
而其樂歌又以鹿鳴起興而言其禮意之厚如此庶
乎人之好我而示我以大道也序以此為燕羣臣嘉
賓之詩而燕禮亦云工歌鹿鳴四牡皇皇者華即謂
此也鄉飲酒用樂亦然而學記言大學始教宵雅肄
三亦謂此三詩然則又為上下通用之樂矣豈本為
燕羣臣嘉賓而作其後乃推而用之鄉人也與
呦呦鹿鳴食野之苹我有嘉賓鼓瑟吹笙吹笙鼓簧承
筐是將人之好我示我周行
何氏楷曰鼓瑟吹笙即燕樂也瑟在堂上笙在堂下
古者主人三獻禮成之後而樂作記所謂凡舉爵三

作而不徒爵故作樂以樂之燕禮小臣納工工四人
二瑟小臣左何瑟面鼓執越內弦右手相入升自西
階北面東上坐小臣坐授瑟乃降工歌鹿鳴四牡皇
皇者華卒歌笙入立于縣中奏南陔白華華黍乃閒
歌魚麗笙由庚歌南有嘉魚笙崇邱歌南山有臺笙
由儀先鼓瑟而後吹笙故詩言之序如此承筐指幣
帛言或疑燕禮無用幣之文兒熹謂周語云先王之
燕體解節折而共飲食之於是乎有折俎加豆酬幣
宴貨以示容合好則燕未嘗不用酬幣也
呦呦鹿鳴食野之蒿我有嘉賓德音孔昭視民不佻君
子是則是敝我有旨酒嘉賓式燕以敖
德音先王道德之教也飲酒之禮于旅也語
何氏楷曰熹謂此作樂坐燕之後而復行旅酬之禮
時也鄉射禮云古者于旅也語疏義云賓筵之初禮

樂方盛言語則慢矣迨至旅酬則禮已成樂已備于是而語乃無嫌也

呦呦鹿鳴食野之芩我有嘉賓鼓瑟鼓琴鼓瑟鼓琴和樂且湛我有旨酒以燕樂嘉賓之心

何氏楷曰八音以絲為君絲又以琴為君鄉飲酒禮二人皆左何瑟燕禮小臣左何瑟不及琴者以瑟見琴也蓋謂首章言鼓瑟吹笙至此復言鼓瑟鼓琴者蓋旅酬既終作無算樂之時也先是作樂樂賓之後君命曰以我安皆對曰諾敢不安既而君曰無不醉皆興對曰諾敢不醉於是旅酬禮畢無算爵言以醉為節不限數也公有命徹幕然後皆升堂反坐無算樂向者獻酬有節笙歌閒合皆三終今日無算不拘三也此詩鼓瑟鼓琴重言義或因此

伐木序伐木燕朋友故舊也自天子至于庶人未有不須友以成者親親以睦友賢不棄不遺故舊則民德歸厚矣

朱子曰此燕朋友故舊之樂歌

伐木丁丁鳥鳴嚶嚶出自幽谷遷于喬木嚶其鳴矣求其友聲相彼鳥矣猶求友聲矧伊人矣不求友生神之聽之終和且平

伐木許許醜酒有真既有肥羜以速諸父甯適不來微我弗顧於粢灑埽陳饋八簋既有肥牡以速諸舅甯適不來微我有咎

臣大夫士友其宗族之仁者祭解明貌曰簋天子八簋 愛祭然已灑摸矣陳其黍稷矣謂為食禮 疏此有酒有肴召族人飲之蓋是燕禮非饗也何者聘禮注云饗謂烹太牢以飲賓也今此惟肥羜而已是非饗禮明矣燕禮記云其牲狗不用羊豕此有肥羜者天子之禮異於諸侯也儀禮特牲少牢聘禮公食之等皆以簋盛黍稷則八簋是黍稷之器案周官掌客職五等諸侯簋皆十二又公食大夫禮士大夫八簋此天子云八簋者據待族人設食之禮知是食禮者燕禮主于

飲酒無飯食則此筵
盛黍稷是食禮可知

伐木于阪醜酒有衍籩豆有踐兄弟無遠民之失德乾
餼以愆有酒湑我無酒酤我坎坎鼓我蹲蹲舞我迨我
暇矣飲此湑矣

傳衍美貌餼食也湑舊之也酤一宿酒也蹲蹲舞貌
陳列貌兄弟之黨母之黨此族人陳王之恩也王有
酒則沛舊之王無酒酤買之要欲厚于族人為我擊鼓坎坎然為我興舞蹲蹲然
謂以樂樂已又述王意曰及我今之閒暇共飲此湑酒欲其無不醉之意疏禮
有同姓異姓庶姓同姓王之同宗是父之黨也異姓王舅之親庶姓與王無親者
天子于諸侯非同姓皆曰舅不由有親無親則舅文又兼庶姓矣其中容有舅甥
之親故通言母之黨也父黨母黨得同曰兄弟者兄弟是相親之辭推而廣之異
姓亦得言之故釋親云父之黨為宗族母與妻之黨為兄弟此不言妻黨者以舅
是母黨之稱故特言母耳其實妻黨亦曰兄弟釋
親又曰妻之父為婚兄弟婿之父為姻兄弟是也

朱子曰言人之所以至于失朋友之義者非必有大
故或但以乾餼之薄不以分人而至于有愆耳故我
于朋友不計有無但及閒暇則飲酒以相樂也
邱氏濬曰此詩可見人君之于其臣下非但有大燕
饗若夫閒暇之時其于諸父諸舅朋友故舊亦必有

燕飲以篤其恩義云

何氏楷曰伐木文王季冬大飲三族也王居明堂禮
季冬命國為酒以合三族君子說小人樂詩云迨我
暇矣飲此湑矣謂歲暮禮闋王者乃暇也禮有饗有
食有燕此詩言有肥牡有肥豕是用太牢則同於饗
言陳饋八簋籩豆有踐是有飯有殽則同于食言有
酒湑我無酒酤我是無算爵言坎坎鼓我蹲蹲舞我
是無算樂則同于燕兼是三者而有之禮之盛也三
族有二義其一謂父子及身小記云以三為五以五
為九是也其一謂父族及母族妻族也是詩有以速
諸舅之言則當從後義

魚麗序魚麗美萬物盛多能備禮也

朱子曰此燕饗通用之樂歌案儀禮鄉飲酒及燕禮

前樂既畢皆閒歌魚麗笙由庚歌南有嘉魚笙崇邱
歌南山有臺笙由儀然則此六者蓋一時之詩而皆
為燕饗賓客上下通用之樂

魚麗于雷鱗鯨君子有酒旨且多 魚麗于雷魴鯉君
子有酒多且旨 魚麗于雷鰓鯉君子有酒旨且有
物其多矣維其嘉矣 物其旨矣維其借矣 物其有
矣維其時矣

朱子曰即燕饗所薦之差而極道其美且多見主人
禮意之勤以優賓也

南有嘉魚序南有嘉魚樂與賢也太平之君子至誠樂
與賢者共之也 發樂得賢者與其
立於朝相燕樂也

朱子曰此亦燕饗通用之樂
南有嘉魚烝然罩罩君子有酒嘉賓式燕以樂 南有

嘉魚烝然汕汕君子有酒嘉賓式燕以衍 南有杉木
甘瓠纍之君子有酒嘉賓式燕綏之 翩翩者騅烝然
來思君子有酒嘉賓式燕又思

朱子曰此亦因所薦之物而道達主人樂賓之意也
南山有臺序南山有臺樂得賢也得賢則能為邦家立
太平之基矣

朱子曰此亦燕饗通用之樂

南山有臺北山有萊樂只君子邦家之基樂只君子萬
壽無期 南山有桑北山有楊樂只君子邦家之光樂
只君子萬壽無疆 南山有杞北山有李樂只君子民
之父母樂只君子德音不已 南山有栲北山有柎樂
只君子遐不眉壽樂只君子德音是茂 南山有枸北
山有棟樂只君子遐不黃耇樂只君子保艾爾後

蓼蕭序蓼蕭澤及四海也

朱子曰諸侯朝于天子天子與之燕以示慈惠故歌此詩

何氏楷曰蓼蕭諸侯繼世嗣封天子與之燕而歌此左傳襄二十六年齊侯如晉晉侯享之賦蓼蕭叔向命晉侯拜曰寡君敢拜齊君之安我先君之宗祧也昭十二年宋華定來聘通嗣君也享之為賦蓼蕭據二傳其一以賦此詩為安先君之宗祧其一以通嗣君之故賦此詩則其為繼世嗣封之詩明矣

蓼彼蕭斯零露漙兮既見君子我心寫兮燕笑語兮是以有譽處兮 蓼彼蕭斯零露瀼瀼既見君子為龍為光其德不爽壽考不忘 蓼彼蕭斯零露泥泥既見君子孔燕豈弟宜兄宜弟令德壽豈 蓼彼蕭斯零露濃濃既見君子儻革冲冲和鸞雝雝萬福攸同

朱子曰其曰既見蓋于其初燕而歌之也

湛露序湛露天子燕諸侯也 會同天子與之燕所以示慈惠 湛湛露斯匪陽不晞厭厭夜飲不醉無歸 傳厭厭安也夜飲私燕也 宴燕飲

之禮皆則兩階及庭門皆設大燭焉

歐陽氏修曰露以夜降者也因其夜飲故近取以為此 郝氏敬曰朝以朝且禮主于辨也飲以昏夜情主于合也

湛湛露斯在彼豐草厭厭夜飲在宗載考 傳夜飲必於宗室 諸侯也載之言則也考成也夜飲之禮在宗室同姓諸侯則成之於庶姓其讓之則止 朱子曰夜飲必於宗室蓋路寢之屬也

湛湛露斯在彼杞棘顯允君子莫不令德 傳杞也棘也異類善也無不善其德 喻異姓諸侯也令言飲酒不至于醉

其桐其椅其實離離豈弟君子莫不令儀 傳桐也椅也同類後也其實離離喻其薦俎禮食多於諸侯也 而異名喻二王之飲酒不至於醉徒善其威儀而已謂該節也

菁菁者莪序菁菁者莪樂育材也君子能長育人材則天子喜樂之矣

朱子曰此亦燕飲賓客之詩

何氏楷曰朱傳以為燕飲賓客之詩子貢傳則云所以燕賢也申培說謂天子燕賓與之士則歌此詩陳氏疑為天子行禮于學校燕飲而歌此詩今案詩中無言及燕飲之事但以有歸美君子之辭則雖燕饗通用無不可者非為燕飲作也

菁菁者莪在彼中阿既見君子樂且有儀菁菁者莪在彼中沚既見君子我心則喜菁菁者莪在彼中陵既見君子錫我百朋汎汎楊舟載沈載浮既見君子我心則休

詩小雅六月吉甫燕喜既多受祉來歸自鎬我行永久飲御諸友包鼈膾鯉侯誰在矣張仲孝友箋吉甫既伐玁狁而歸天子以燕禮

樂之則歡喜矣又多受賞賜也御侍也王以吉甫遠從鎬地來又日月長久今飲之酒使其諸友恩舊者侍之又加其珍美之饌所以極勸之也張仲吉甫之友其性孝友疏燕禮其牲狗天子之燕不過有牢牲魚鼈非常膳故云加之

桑扈交交桑扈有鶯其羽君子樂胥受天之祜交交桑扈有鶯其領君子樂胥萬邦之屏之屏之翰百辟為憲不戢不難受福不那兕觥其觶旨酒思柔彼交

匪敖萬福來求

箋兕觥罰爵也古之王者與羣臣燕飲上下無失禮其罰爵徒觥然陳設而已其飲美酒思得柔順中和與其樂

言不撫教自淫恣也

朱子曰此天子燕諸侯之詩

何氏楷曰此諸侯春來朝天子而天子饗之之詩桑扈黃鳥俱春時所有非朝而何周禮九夏鶯夏居其一杜子春謂公出入奏鶯夏鶯敖古俱通作傲此詩詠饗諸侯而未有彼交匪敖之語正與夏名相合則饗禮出入所奏其即此詩乎

蕙田案何氏以桑扈即九夏之鶯夏太鑿

鴛鴦鴛鴦于飛畢之羅之君子萬年福祿宜之鴛鴦在梁戢其左翼君子萬年宜其遐福乘馬在廐摧之秣之君子萬年福祿艾之乘馬在廐秣之摧之君子萬年福祿綏之

朱子曰此諸侯所以答桑扈也

魚藻魚在在藻有頌其首王在在鎬豈樂飲酒魚在在藻有莘其尾王在在鎬飲酒樂豈魚在在藻依于

卷之五十一 饗燕禮

其蒲王在在鎬有那其居

朱子曰此天子燕諸侯而諸侯美天子之詩

瓠葉序瓠葉大夫刺幽王也上棄禮而不能行雖有牲

牢饗餼不肯用也故思古之人不以微薄廢禮焉

朱子曰此亦燕飲之詩

幡幡瓠葉采之亨之君子有酒酌言嘗之

傳幡幡瓠葉貌庶人之菜也箋亨熟也熟瓠葉者以為飲酒之菹也此君子謂庶人之有賢行者也其農功畢乃為酒漿以合朋友習禮講道藝也酒既成先與父兄室人享瓠葉而飲之所以急和親親也飲食而曰嘗者以其為之主于賓客賓客則加之以羞疏士禮有特牲豚豕此止言瓠葉與兔首明非有位之人故言庶人之菜

王氏安石曰嘗其旨

否然後行獻酬之禮

朱子曰蓋述主人之謙辭言物雖薄而必與賓客共之也

有兔斯首炮之燔之君子有酒酌言獻之

傳毛曰炮加火曰燔獻奏也箋斯白也有兔白首者兔之小者也炮之燔之者將以為飲酒之羞也飲酒之禮既奏酒于賓乃薦羞每酌言言者禮不下庶人庶人依士禮立賓主為酌名朱子曰有兔斯首一兔也猶數魚以尾也

何氏楷曰公食大夫云上大夫庶羞二十加于下大夫以雉兔鶉鷩禮記內則紀諸膳有雉兔鶉鷩又有以兔為羹者內則云兔羹和糝不糝又云雉兔皆有芼也有以兔為菹類者內則云兔為宛脾也有以兔為醢者周禮加豆之實芹菹兔醢內則云脯羹兔醢也此詩單舉兔一物而又以炮炙為言皆禮所不載內則云兔去尻則棄其後髯處不用故但舉首以顯之耳

有兔斯首燔之炙之君子有酒酌言酢之

傳炕火曰炙酢報卒爵洗而酌主人也凡治兔之宜鮮者毛炮之柔者炙之乾者燔之疏炕舉也謂以物貫之而舉于火上以炙之

有兔斯首燔之炮之君子有酒酌言醕之

傳醕道飲也箋主人既卒酢爵又酌白飲卒爵復酌進賓猶今俗之勸酒

何氏楷曰禮主人導飲之後賓受爵卻不飲奠于席前乃行旅酬之禮交錯以徧今此一獻禮薄當無旅酬之事

蕙田案春秋傳趙武賦瓠葉而穆叔知其欲

一獻則此詩蓋燕饗用一獻之正禮也禮有

獻有酢有酬而後一獻之禮終故曰獻之禮

成于酬此詩二章以下次第正與禮合周禮

醢人所共七菹無瓠葉然賓客之禮醬用五

醢

禮記卷之二十一 饗燕禮

十簋以五齋七菹七醢三醯實之尚不及其半禮文之不備者多矣經云采之亨之或亦取以芼羹如牛薺羊苦豕薇之類非為菹也庶羞用兔惟上大夫以上始有之毛鄭以為庶人之禮失之矣燕饗之品多矣於蔬云瓠葉於羞云兔舉其至薄者言之耳其云君子有酒與魚麗南有嘉魚諸詩之文同豈庶人足以當之乎

大雅公劉篤公劉于京斯依踰踰躋躋俎簋俎几既登乃依乃造其曹執豕于牢酌之用匏食之飲之君之宗

傳賓已登席坐矣乃依其曹羣也執豕于牢穀國則殺禮也酌之用匏餼以質也為之君為之大宗也疏此又言宮室既就饗燕羣臣也呂氏祖謙曰既饗燕而定經制以數屬其民上則皆統于君下則各統于宗蓋古者建國立宗其事相須楚執戎織于而致邑立宗以誘其逸民即其事也

蕙田案公劉夏時之諸侯也詩述其燕飲羣

臣之事云俎筵俎几則筵賓授几之禮也云執豕于牢則殺烝折俎之禮也云酌之用匏則酌獻酢酬之禮也云食之飲之則又兼饗食之禮矣云君之宗之則又兼族燕族飫之禮矣周公制禮蓋本乎此

春秋文公四年左氏傳昔諸侯朝正于王王宴樂之於是乎賦湛露則天子當陽諸侯用命也諸侯敵王所愾而獻其功王於是乎賜之彤弓一彤矢百茲弓矢千以覺報宴

昭五年左氏傳宴有好貨殮有陪鼎

陳氏祥道曰先王之世近自九族同姓與夫兄弟朋友之親而遠至于諸侯羣臣與夫蠻貊夷狄之邦莫不有恩以見其愛有文以盡其禮故禮行而天下服此古所為燕也行葦之詩或歌或弔洗爵奠饗燕九族同姓也常棣之詩兄弟既翕和樂且孺燕兄弟也伐木之詩矧伊人矣不求友生燕朋友也若燕諸侯則有湛露燕羣臣嘉賓則有鹿鳴而燕夷狄則所謂參蕭及四海是也

蕙田案天子燕禮有六一燕諸侯來朝詩蓼蕭湛露是也二燕諸侯有功詩彤弓是也三燕羣臣詩鹿鳴是也四燕臣有功詩六月云吉甫燕喜是也五燕親戚故舊詩伐木是也六燕諸侯之聘客左傳王以文伯宴是也諸侯燕禮有五一兩君相燕司儀云諸公相為賓左傳晉侯以公燕于河上是也二燕羣臣儀禮燕禮是也三卿大夫有王事之勞及因聘而還燕之詩四壯勞使臣是也四燕四方聘客聘禮燕與時賜是也五燕天子之使左傳周公閱來聘饗之有饗則亦當有燕也儀禮惟有諸侯燕羣臣之禮其散見於他經者今並蒐採以補禮文之闕若夫祭畢之燕已

見古禮與族人燕已見飲食禮俱不載入

右經傳燕禮

春秋莊公十八年左氏傳號公晉侯朝王王饗醴命之

宥注王之觀羣后始則行饗禮先置醴酒示不忘古飲燕則命以幣物宥助也所幣物所以助歡之意言備設疏王饗醴命之宥者王為之設饗禮置醴酒命之以再燕于男壹饗壹食壹燕之禮先言饗是王之觀羣后始則行饗禮也詩序曰鹿鳴燕羣臣嘉賓也既飲食之又實幣帛筐篚以將其厚意聘禮云若不親食使大夫朝服致之以幣幣致饗以酬幣亦如之是饗禮有酬幣也禮主人酌酒于賓曰獻賓答主人曰酢主人又酌以酬賓曰酬幣蓋于酬酒之時賜之幣也所賜之物即下王馬是也傳稱饗醴命有言其備設盛禮也此注命之宥者命在下以幣物

助皆賜玉五穀馬三匹非禮也注雙玉為鼓王命諸侯名位不

同禮亦異數不以禮假人注侯而與公同賜是借人禮

僖公二十五年左氏傳晉侯朝王王享醴命之宥注既行設醴酒又加之以幣帛以助歡也宥助也請隧弗許曰王章也未有代德而有二王

亦叔父之所惡也與之陽樊溫原攢茅之田

二十有八年左氏傳晉侯獻楚俘于王鄭伯傅王用平

禮也注傳相也以周平王享晉文侯仇之禮享晉侯己酉王享禮命晉侯侑注既饗又命晉侯助以束帛以

蕙田案以上天子饗諸侯

僖公十二年左氏傳齊侯使管夷吾平戎於王王以上卿之禮饗管仲管仲辭曰臣賤有司也有天子之二守國高在若節春秋來承王命何以禮焉陪臣敢辭王曰舅氏余嘉乃勳應乃懿德謂督不忘往踐乃職無逆朕命管仲受下卿之禮而還君子曰管氏之世祀也宜哉讓不忘其上詩曰豈弟君子神所勞矣

宣公十六年左氏傳晉侯使士會平王室定王享之原

襄公相禮殺烝注烝升也升穀于俎疏禮升穀于俎皆謂之烝故烝為切肉為穀乃升于俎故謂之殺烝武子私問其故注享當體薦而殺烝故問之疏若公亦當房烝今乃殺烝故怪而問之王聞之召武子曰季氏而弗聞

乎王享有體薦宴有折俎公當享卿當宴王室之禮也國語周語晉侯使隨會聘于周定王饗之殺烝原公相禮隨會私于原公曰吾聞王室之禮無毀折今此何禮也原公以告王召隨會曰子弗聞乎禘郊之事則有全烝王公立飫則有房烝親戚宴饗則有殺烝今叔父使士季實來修舊德以獎王室惟是先王之宴禮欲以貽女余一人敢設飫禘焉且惟戎翟則有體薦夫戎翟言沒輕儻貪而不讓不俟馨香嘉味故坐諸門外而使舌人體委與之今我王室一二兄弟以時相見將辭協典禮無亦擇其柔嘉選其馨香潔其酒醴品其百籩修其簠簋奉其犧象出其樽彝陳其鼎俎靜其中冪敬其祓除體解節折而共飲食之於是乎有折俎加豆胡有子然其效戎翟也將焉用全烝武子遂不敢對而退歸乃

講聚三代之典禮於是修執秩以為晉法

春秋成公二年左氏傳晉侯使鞏朔獻齊捷于周王使

委于三吏禮之如侯伯克敵使大夫告慶之禮王以鞏

伯宴而私賄之使相告之曰非禮也勿籍注籍書也

昭公十五年左氏傳晉荀躒如周葬穆后籍談為介既

葬除喪以文伯宴樽以魯壺注魯壺魯所獻壺樽王曰伯氏諸侯皆

有以鎮撫王室晉獨無有何也

蕙田案以上天子饗燕諸侯之大夫

莊公二十一年左氏傳鄭伯享王于闕西辟樂備注樂備備六代

樂之王與之武公之略自虎牢以東鄭伯之享王也王以

后之鞶鑑與之注后王后也鞶帶而以鑑為飾也

蕙田案此條諸侯饗天子

又案大夫饗君謂之非禮則諸侯饗天子其

非禮可知矣至莊二十年傳稱王子頹享五

大夫樂及徧舞時子頹出惠王而自立故假

天子饗羣臣之禮行之此僭亂之事惡可以

言禮故削而不書

僖公二十二年左氏傳楚子入享於鄭注為鄭所饗九獻注用上

九獻酒而禮畢疏案儀禮主人酌以獻賓賓酢主人主人又酌以酬賓乃成一獻之禮九獻者九為獻酬而禮始畢也庭實旅百注庭中

也數百加籩豆六品注食物六品加於籩豆饗畢夜出文芋送于軍取

鄭二姬以歸叔詹曰楚王其不沒乎為禮卒於無別無

別不可為禮將何以沒諸侯是以知其不遂霸也

二十四年左氏傳宋成公如楚還入于鄭鄭伯將享之

問禮於皇武子對曰宋先代之後也于周為客天子有

事膳焉有喪拜焉豐厚可也鄭伯從之享宋公有加禮

也

二十九年左氏傳冬介葛盧來以其未見公故復來朝禮之加燕好注燕禮也

文公三年左氏傳公如晉及晉侯盟晉侯饗公賦菁菁

者莪莊叔以公降拜曰小國受命於大國敢不愼儀君

賦之以大禮何樂如之抑小國之樂大國之惠也晉侯

降辭登成拜注俱還上成拜禮公賦嘉樂

十三年左氏傳鄭伯與公宴于棐子家賦鴻雁季文子

曰寡君未免于此文子賦四月子家賦載馳之四章文

子賦采芣之四章鄭伯拜公答拜

成公三年左氏傳齊侯朝于晉晉侯享齊侯齊侯視韓

厥韓厥曰君知厥也乎齊侯曰服改矣韓厥登舉爵曰

臣之不敢愛死為兩君之在此堂也

襄公九年左氏傳公送晉侯晉侯以公宴于河上問公

年季武子對曰會于沙隨之歲寡君以生

十年左氏傳宋公饗晉侯于楚丘請以桑林荀罃辭荀

偃士句曰諸侯宋魯于是觀禮魯有禘樂賓祭用之宋

以桑林享君不亦可乎舞師題以旌夏晉侯懼而退入

于房去旌卒享而還注桑林殿天子之樂名師樂師旌夏大旌也題識也以大旌表識其行列

十六年左氏傳晉侯與諸侯宴于溫使諸大夫舞曰歌

詩必類

二十五年左氏傳莒子朝于齊饗諸北郭

之晉侯賦嘉樂國景子相齊侯賦蓼蕭子展相鄭伯賦

緇衣叔向命晉侯拜二君曰寡君敢拜齊君之安我先

君之宗祧也敢拜鄭君之不貳也

二十八年左氏傳蔡侯歸自晉入于鄭鄭伯享之不敬

子產曰蔡侯其不免乎日其過此也君使子展廷勞于東門之外而傲吾曰猶將更之今還受享而惰乃其心也君小國事大國而惰傲以為己心將得死乎三十一左氏傳晉侯見鄭伯有加禮厚其宴好而歸之

昭公三年左氏傳鄭伯如楚子產相楚子享之賦吉日既享子產乃具田備王以田江南之夢

七年左氏傳楚子享公子新臺使長鬣者相好以大屈注宴好之賜大屈弓名既而悔之

十一年左氏傳三月丙申楚子伏甲而饗蔡侯于申醉而執之夏四月丁巳殺之

十二年左氏傳晉侯享諸侯子產相鄭伯辭于享請免喪而後聽命晉人許之禮也晉侯以齊侯宴中行穆子

相投壺晉侯先穆子曰有酒如淮有肉如坻寡君中此為諸侯師中之齊侯舉矢曰有酒如澠有肉如陵寡人中此與君代興亦中之伯瑕謂穆子曰子失辭吾固師諸侯矣壺何為焉其以中儻也齊君弱吾君歸弗來矣穆子曰吾軍帥疆禦卒乘競勸今猶古也齊將何事公孫僂趨進曰日旰君勤可以出矣以齊侯出

十七年左氏傳小邾穆公來朝公與之燕季平子賦采菽穆公賦菁菁者莪昭子曰不有以國其能久乎

鄭子來朝公與之宴

二十七年左氏傳公如齊齊侯請享之子家子曰朝夕立于其朝又何享焉其飲酒也乃飲酒使宰獻而請安

人日請使重見子家子乃以君出

注比公于大夫也禮君不敵臣宴大夫使宰為主獻獻爵也請安齊侯請自安不在坐也

定公十年左氏傳公會齊侯于祝其夾谷孔丘相齊侯將享公孔丘謂梁邱據曰齊魯之故吾子何不聞焉事既成矣而又享之是勤執事也且犧象不出門嘉樂不野合享而既具是棄禮也若其不具用秕稗也用秕稗君辱棄禮名惡子盍圖之夫享所以昭德也不昭不如其已也乃不果享

疏諸侯相見之禮享在廟燕在寢不得行于野僖年宋公享晉侯于楚邱請以桑林十九年公享晉六卿于蒲圃二十七年鄭伯享趙孟于垂隴如此之類或特賞殊功或畏敬大國皆權時之事非正禮也孔子知齊懷許慮其掩襲託正禮以拒之

蕙田案以上兩君相饗燕

僖公三十年左氏傳王使周公閱來聘饗有昌歆白黑形鹽注昌歆昌蒲蒲白熬稻黑熬黍形鹽鹽形象虎辭曰國君文足昭也武可畏也則有備物之饗以象其德薦五味羞嘉穀鹽虎形以獻其功吾何以堪之注嘉穀熬稻黍也以象其文也鹽虎形以象武也

蕙田案此諸侯饗天子之大夫

桓公九年左氏傳冬曹太子來朝賓之以上卿禮也享曹太子初獻樂奏而歎施父曰曹太子其有憂乎非歎所也

僖公二十三年左氏傳晉公子重耳及楚楚子饗之曰公子若反晉國則何以報不穀對曰子女玉帛則君有之羽毛齒革則君地生焉其波及晉國者君之餘也其何以報君曰雖然何以報我對曰若以君之靈得反晉國晉楚治兵遇於中原其避君三舍若不獲命其左執鞭弭右屬橐鞬以與君周旋子玉請殺之楚子曰晉公子廣而儉文而有禮其從者肅而寬忠而能力晉侯無親外內惡之吾聞姬姓唐叔之後其後衰者也其將由晉公子乎天將與之誰能廢之違天必有大咎乃送諸

秦他日公享之子犯曰吾不如衰之文也請使衰從公
子賦河水公賦六月趙衰曰重耳拜賜公子降拜稽首
公降一級而辭焉衰曰君稱所以佐天子者命重耳重
耳敢不拜注古者禮會因古詩以見意故言賦詩斷章也
國語晉語公子過鄭鄭文公亦不禮焉遂如楚楚成王
以周禮享之九獻庭實旅百公子欲辭子犯曰天命也
君其享之亡人而國薦之非敵而君設之非天誰啟之
心

蕙田案重耳時為諸公子當以大夫之禮享之楚子乃為設九獻庭實旅百則以上公相待非禮之正故公子欲辭

春秋文公四年左氏傳衛甯武子來聘公與之宴為賦
湛露及彤弓注非禮之常公特命樂人以示意故言為賦不辭又不答賦使行人私

焉對曰臣以為肄業及之也昔諸侯朝正于王王宴樂
之于是乎賦湛露則天子當陽諸侯用命也諸侯敵王
所愾而獻其功王于是乎賜之彤弓一彤矢百旅弓矢
千以覺報宴今陪臣來繼舊好君辱貺之其敢干大禮
以自取戾

十五年左右氏傳宋華耦來盟公與之宴辭曰君之先臣
督得罪于宋殤公名在諸侯之策臣承其祀其敢辱君
請承命于亞旅魯人以為敏

成公十二年左右氏傳晉卻至如楚聘且涖盟楚子享之
子反相為地室而懸焉注懸鐘也卻至將登金奏作于下注擊鐘而

奏樂 疏朝賓入門而奏樂聘客至庭乃奏樂此將登堂始奏
樂者縣當在庭而楚為地室而縣待客登堂乃奏皆所以見異驚而走出子
反曰日云暮矣寡君須矣吾子其入也賓曰君不忘先
君之好施及下臣貺之以大禮重之以備樂如天之福

兩君相見何以代此下臣不敢注言此兩君相見之禮子反曰如天之福兩君相見無亦唯是一矢以相加遺焉用樂寡君須矣吾子其入也賓曰若讓之以一矢禍之大者其何福之為世之治也諸侯問于天子之事則相朝也于是乎有享宴之禮享以訓恭儉宴以示慈惠恭儉以行禮而慈惠以布政政以禮成民是以息百官承事朝而不夕此公侯之所以扞城其民也故詩曰赳赳武夫公侯于城及其亂也諸侯貪冒侵欲不息爭尋常以盡其民略其武夫以為己腹心股肱爪牙故詩曰赳赳武夫公侯腹心天下有道則公侯能為民干城而制其腹心亂則反之今吾子之言亂之道也不可以為法然吾子主也至敢不從遂入卒事歸以語范文子文子曰無禮必食言吾死無日矣夫

成公十四年左氏傳衛侯享苦成叔甯惠子相苦成叔傲甯子曰苦成家其亡乎古之為享食也以觀威儀省禍福也故詩曰兕觥其觶旨酒思柔彼交匪傲萬福來求今夫子傲取禍之道也

襄公四年左氏傳穆叔如晉晉侯享之金奏肆夏之三不拜工歌文王之三又不拜歌鹿鳴之三三拜韓獻子使行人子員問之曰子以君命辱于敝邑先君之禮藉之以樂以辱吾子吾子舍其大而重拜其細敢問何禮也對曰三夏天子所以享元侯也使臣弗敢與聞文王兩君相見之樂也臣不敢及鹿鳴君所以嘉寡君也敢不拜嘉四牡君所以勞使臣也敢不重拜皇皇者華君教使臣曰必諮于周臣聞之訪問于善為咨咨親為詢咨禮為度咨事為諏咨難為謀臣獲五善敢不重拜

八年左氏傳晉范宣子來聘公享之宣子賦標有梅季武子曰誰敢哉今譬于草木寡君在君君之臭味也歡以承命何時之有武子賦角弓賓將出武子賦彤弓宣子曰城濮之役我先君文公獻功于衡雍受彤弓于襄王以爲子孫藏句也先君守官之嗣也敢不承命君子以爲知禮

十九年左氏傳公享晉六卿于蒲圃賜之三命之服軍尉司馬司空輿尉侯奄皆受一命之服賄荀偃束錦加璧乘馬先吳壽夢之鼎

季武子如晉拜師晉侯享之范宣子爲政賦黍苗季武子興再拜稽首曰小國之仰大國也如百穀之仰膏雨焉若常膏之其天下輯睦豈惟敝邑賦六月

二十九年左氏傳季武子如宋褚師段逆之以受享賦常棣之七章以卒宋人重賄之

二十七年左氏傳六月丁未朔宋人享趙文子叔向爲介司馬置折俎禮也注折俎禮解節折升之于俎合應宴之禮周禮司馬

子而掌其政令大祭則饗食羞牲仲尼使舉是禮也以爲多文辭魚故宋人此享令司馬置折俎也七月壬午宋公兼享晉楚之大夫趙孟爲客注客一子木與之言弗能對使叔向侍言焉子木亦不能對也

鄭伯享趙孟于垂隴子展伯有子西子產子大叔二子石從趙孟曰七子從君以寵武也請皆賦以卒君賦武亦以觀七子之志子展賦草蟲趙孟曰美哉民之主也抑武也不足以當之伯有賦鶉之賁賁趙孟曰牀第之言不踰闕況在野乎非使人之所得聞也子西賦黍苗之四章趙孟曰寡君在武何能焉子產賦隰桑趙孟曰武請受其卒章子大叔賦野有蔓草趙孟曰吾子之惠

也印段賦蟋蟀趙孟曰美哉保家之主也吾有望矣公孫段賦桑扈趙孟曰匪交匪敖福將焉往若保是言也欲辭福祿得乎

楚遠罷如晉涖盟晉侯享之將出賦既醉叔向曰遠氏之有後于楚國也宜哉承君命不忘敏子蕩將知政矣敏以事君必能養民政將焉往

二十九年左氏傳范獻子來聘拜城杞也公享之展莊叔執幣注公將以酬賓射者三耦公臣不足取於家臣家臣展瑕展玉父為一耦公臣公巫召伯仲顏莊叔為一耦鄆鼓

父黨叔為一耦注流燕禮云若射則大射正為司射是燕射也此云公享之則享法亦有射也

昭公元年左氏傳夏四月趙孟叔孫豹曹大夫入于鄭鄭伯兼享之子皮戒趙孟注戒享期禮終趙孟賦瓠葉子皮遂戒穆叔且告之穆叔曰趙孟欲一獻注瓠葉詩義取薄物子而一獻則知欲一獻子

其從之子皮曰敢乎穆叔曰夫人之所欲也又何不敢及享具五獻之籩豆于幕下注朝聘之制大國之卿五獻趙孟辭注趙孟自以今非聘

鄭故辭五獻私于子產曰武請于冢宰矣乃用一獻趙孟為客禮終乃宴注卿會公侯享宴皆折俎不體薦穆叔賦鵲巢趙孟曰武不堪也

又賦采芣曰小國為蔡大國省穡而用之其何實非命子皮賦野有死麕之卒章趙孟賦常棣且曰吾兄弟比以安危也可使無吠穆叔子皮及曹大夫與拜舉兕爵曰小國賴子知免于戾矣飲酒樂趙孟出曰吾不復此矣

昭公二年左氏傳晉韓宣子來聘公享之季武子賦絲之卒章韓子賦角弓季武子賦節之卒章聘于衛衛侯享之北宮文子賦淇澳宣子賦木瓜

六年左氏傳季孫宿如晉晉侯享之有加籩注籩豆之數多于常禮武

子曰小國之事大國也苟免於討不敢求貺得貺不過三獻注周禮大夫三獻今豆有加下臣弗堪無乃戾也韓宣子曰

寡君以為驩也對曰寡君猶未敢況下臣君之隸也敢間加貺固請微加而後卒事晉人以為知禮

十二年左氏傳宋華定來聘享之為賦蓼蕭弗知又不答賦昭子曰必亡宴語之不懷寵光之不宣令德之不

知同福之不受將何以在十六年左氏傳晉韓起聘于鄭鄭伯享之子產戒曰苟

有位於朝無有不共恪孔張後至立于客間執政禦之適客後又禦之適縣間客從而笑之注執政掌位列者禦止也縣樂肆疏諸侯享賓之

禮亡惟有公食大夫禮存耳其禮云大夫納賓入門左及廟門公揖入賓入三揖至于階三讓公升二等賓升大夫立于東夾南西面北上立於門東北面西上

東夾之南西面位也張乃立于客間賓入未升階立于西方孔張入客行間也執政禦之適客後移立于客之西也又禦之適縣間適鐘磬樂肆之閒也大射禮樂人宿縣于阼階東筮磬西面其南筮鐘其南鑄皆南陳西階之西頌磬東面其南

鐘其南鑄皆南陳張初立客間已在西方被禦適客後又益西又被禦適縣間益又復益西入於頌磬鐘鑄之閒也

二十五年左氏傳宋公享昭子賦新宮昭子賦車轄明日宴飲酒樂宋公使昭子右坐語相泣也樂祁佐退而

告人曰今茲君與叔孫其皆死乎吾聞之哀樂而樂哀皆喪心也心之精爽是謂魂魄魂魄去之何以能久

定公六年左氏傳季桓子如晉獻鄭俘也陽虎強使孟懿子往報夫人之幣晉人兼享之注賤魯故不復兩設禮

十年左氏傳武叔聘于齊齊侯享之蕙田案以上諸侯饗燕鄰國之大夫

宣公二年左氏傳晉侯飲趙盾酒伏甲將攻之其右提彌明知之趨登曰臣侍君宴過三爵非禮也遂扶以下

疏此飲趙盾酒是小飲酒耳非正禮禮禮獻酬之後方脫履升堂行無算爵非止三爵而已其侍君小飲則三爵而退玉藻云三爵而油油以退是三爵禮訖自當退也

成公九年左氏傳季文子如宋致女復命公享之賦韓奕之五章穆姜出于房再拜曰大夫勤辱不忘先君以及嗣君施及未亡人先君猶有望也敢拜大夫之重勤又賦綠衣之卒章而入

襄公三年左氏傳晉侯以魏絳為能以刑佐民矣反役與之禮食使佐新軍

疏與之禮食者若公食大夫禮以大夫為賓公親為之特設禮食

十四年左氏傳孫文子如戚孫蒯入使公飲之酒使太師歌巧言之卒章

二十年左氏傳季武子如宋歸復命公享之賦魚麗之卒章公賦南山有臺武子去所曰臣不堪也

二十六年左氏傳鄭伯賞入陳之功三月甲寅朔享子展賜之先路三命之服先八邑賜子產次路再命之服先六邑

昭公九年左氏傳晉荀盈卒于戲陽殯于絳未葬晉侯飲酒樂饕宰屠蒯趨入請佐公使尊許之而遂酌以飲工曰女為君耳將司聰也辰在子卯謂之疾日君徹宴樂學人舍業為疾故也君之卿佐是為股肱股肱或虧何痛如之女弗聞而樂是不聰也又飲外嬖嬖叔曰女為君目將司明也服以旌禮禮以行事事有其物物有其容今君之容非其物也而女不見是不明也亦自飲也曰味以行氣氣以實志志以定言言以出令臣實司味二御失官而君弗命臣之罪也公說徹酒

禮記檀弓知悼子卒未葬平公飲酒師曠李調侍鼓鐘杜賁自外來聞鐘聲曰安在曰在寢杜賁入寢歷階而升酌曰曠飲斯又酌曰調飲斯又酌堂上北面坐飲之降趨而出平公呼而進之曰爾飲曠何也曰子卯不樂

知悼子在堂斯其為子卯也大矣曠也太師也不以詔是以飲之也爾飲調何也曰調也君之喪臣也為一飲一食忘君之疾是以飲之也爾飲何也曰賁也幸夫也非刀匕是供又敢與知防是以飲之也平公曰寡人亦有過焉酌而飲寡人杜蕢洗而湯解公謂侍者曰如我死則必毋廢斯爵也至于今既畢獻斯揚解謂之杜舉春秋哀公十六年左氏傳衛侯飲孔悝酒于平陽重酬之大夫皆有納焉醉而送之夜半而遣之

二十五年左氏傳衛侯為靈臺于藉圃與諸大夫飲酒焉褚師聲子鞞而登席注古者見君解鞞公怒辭曰臣有疾異于人若見之君將設之是以不敢公愈怒大夫辭之不可公宴于五梧武伯為祝注上壽酒惡郭重曰何肥也季孫曰請飲彘也以魯國之密邇仇讐臣是以不獲從君克免於

樂 大行又謂重也肥公曰是食言多矣能無肥乎飲酒不

蕙田案以上諸侯饗燕其臣 飲酒附

襄公二十七年左氏傳齊慶封來聘叔孫與慶封食不敬為賦相鼠亦不知也

昭公二年左氏傳晉韓宣子來聘既享宴于季氏有嘉樹焉宣子譽之武子曰宿敢不封殖此樹以無忘角弓遂賦甘棠宣子曰起不堪也無以及召公

蕙田案以上大夫饗聘客

莊公二十二年左氏傳陳公子完飲桓公酒樂注齊桓賢

家會據主人之辭故言飲桓公酒 疏春秋之世設享禮以召君者皆大臣擅寵如衛公叔文子宋向魋之徒始為之耳非禮法也敬仲羈旅之臣且知禮者也必不召公臨已知桓公賢之自就其家會也公曰以火繼之辭曰臣卜其書未卜其夜不敢疏服虔云臣將享君必卜之示戒慎也此桓公自就其家非敬仲發心請享蓋桓公告其往日乃卜之耳鄭元云夜飲之禮在宗室同姓則成于庶

禮弗納于淫仁也

昭公元年左氏傳秦后子享晉侯注為晉侯造舟于河注道

十里舍車注一舍八乘自雍及絳注雍絳相去千里歸取酬幣

梁通秦晉之道注備九獻之儀始禮自齋其一故饋送其八酬酒幣疏每一獻酒必有幣帛以隨之后子自齋其一以為初獻故饋送其八也飲酒之禮主人初獻于賓賓酢主人主人受賓之酢禮飲訖又飲乃酌以酬賓如是乃成注每十里以終事八反注每十里以

定公十三年左氏傳初衛公叔文子朝而請享靈公注靈公退見史鮪而告之史鮪曰子必禍矣子富而君貪其

及子乎文子曰然吾不先告子是吾罪也君既許我矣其若之何史鮪曰無害子臣可以免戍也驕其亡乎

哀公十四年左氏傳宋桓魋之寵害于公公使夫人驟請享焉而將討之未及魋先謀公請以鞶易薄公曰不

可薄宗邑也乃益鞶七邑而請享公焉以日中為期家備盡往公知之

蕙田案以上大夫饗君

成公五年左氏傳宋公子圍龜為質于楚而歸華元享之請鼓譟以出鼓譟以復入注出入輒擊鼓曰習攻華氏宋公殺

之襄公二十三年左氏傳季氏飲大夫酒臧紇為客既獻臧孫命北面重席新樽絜之召悼子降逆之大夫皆起

及旅而召公鉏注獻酬禮畢使與之齒季孫失色

二十八年左氏傳齊慶封來奔叔孫穆子食慶封慶封汜祭注汜祭遠散穆子不說使工為之誦茅鴟亦不知

昭公四年左氏傳叔孫為孟鐘曰爾未際饗大夫以落之

哀公七年左氏傳季康子欲伐邾乃饗大夫以謀之
國語魯語公父文伯飲南宮敬叔酒路堵父為客羞鼈
小堵父怒相延食鼈辭曰將使鼈長而後食之遂出文
伯之母聞之怒曰吾聞之先子曰祭養尸享養上賓鼈
於何有而使夫人怒也

蕙田案以上大夫相饗食

春秋莊公四年春王二月夫人姜氏享齊侯于祝邱

也兩君相見之禮非夫人所用直書以見其夫

汪氏克寬曰春秋傳晉侯饗齊侯未公饗晉侯楚子饗公小邾子邾子來朝公與之燕公饗幸周公范宣子饗晉六卿于蒲圃甯俞華耦來公與之燕至鄭伯饗王王饗晉侯經皆不書而書夫人享齊侯則以其非禮也

蕙田案此夫人饗諸侯

右春秋饗燕

五禮通考卷第一百五十八

五禮通考卷第一百五十九

內廷儀禮部右侍郎金匱纂舊編輯

翰林院編修嘉定錢大昕

李太僕總纂蘇都史桐城方觀承同訂

嘉禮三十一

儀禮公食大夫禮

鄭目錄云主國君以禮食小聘大夫之禮於五禮屬嘉禮下大夫小聘之禮下乃別言食上大夫之法聘禮據侯伯之大聘此篇小聘大夫者周公設經互見為義不言食賓與上介直言大夫者小聘上介乃是士是以直云大夫兼得大夫聘賓與上介亦兼小聘之賓

公食大夫之禮使大夫戒各以其節

雖據子男大夫為正兼見五等諸侯大聘使卿之事故云各以其節也

上介出請入告

雖據子男大夫為正兼見五等諸侯大聘使卿之事故云各以其節也

大夫不答拜將命

雖據子男大夫為正兼見五等諸侯大聘使卿之事故云各以其節也

賓不拜送遂從之

雖據子男大夫為正兼見五等諸侯大聘使卿之事故云各以其節也

賓再拜稽首

雖據子男大夫為正兼見五等諸侯大聘使卿之事故云各以其節也

大夫還

雖據子男大夫為正兼見五等諸侯大聘使卿之事故云各以其節也

也親禮使者勞賓侯氏送于門外遂從之使者既不先反猶拜送者尊天子使故也

蕙田案以上戒賓

賓朝服卽位於大門外如聘注於是朝服則初時元端如聘亦入於次俟疏云大門外如聘者則賓主設

卽位具注主人也擯者侯君子大門外卿大夫士序及宰夫具其饌物皆于大門之外

盛氏世佐曰卽位謂自公以下也具官各饌其所供之物也燕禮告具而後卽位此卽位乃具者食重於燕也

蕙田案經言卽位不言主人者上言賓卽位則此爲主人可知也敖氏以卽位仍屬賓者非郝氏又連上文如聘卽位爲句尤誤

又案以上卽位

羹定注內謂之羹定猶熟也著之者下以爲節**甸人陳鼎七當門南面西上設局鼎**

鼎若束若編注七鼎一大牢也甸人豕宰之屬兼亨人者南面西上以其爲賓統于外也局鼎扛所以舉之者也几鼎蓋以茅爲之長則束本短則編其中央今文局作鉉疏聘禮致飧與饗餼皆九鼎此亦一大牢而七鼎者食禮輕無鮮魚鮮腊與聘禮腥一牢鼎七同也案亨人職云掌其鼎鑊又

甸師職云掌以薪蒸後外內饗之事故使甸人兼亨人陳鼎也**設洗如饗**注必如饗者先饗後食如其進者

南疏引燕禮者欲見設洗之法燕與饗食同**小臣具槃匱在東堂下**注爲公盥也公尊不就

掌正君服位疏夏官小臣職云小祭祀賓客饗食如大僕之法

敖氏繼公曰凡行禮其以槃匱盥而不就洗者尊者一人而已有敵者則否不言簞巾文略耳祭禮有槃匱必有簞巾

欽定義疏夏官小臣職大祭祀朝覲沃盥此諸侯之

小臣故主沃盥

宰夫設筵加席几注設筵于戶西南面而左几公不賓至授几者親設滑醬可以略此**無尊**注主於食不獻酬

敖氏繼公曰言此者嫌酒漿或用尊也

飲酒漿飲俟於東房注飲酒清酒也漿飲醞漿也其俟奠于豐上也飲

飲也疏載之言載以其汗滓相載故云載漢法有此名也**凡宰夫之具饌於東房**注凡非一也飲

掌也酒漿不在凡中者雖無尊猶嫌在堂

敖氏繼公曰此所饌者謂豆簋簠也

蕙田案以上陳設

公如賓服迎賓於大門內

注不出大門降於國君疏自此盡階上北面再拜稽首言主君迎賓拜至之事

大夫納賓

注大夫謂上擯也納賓以公命

賓入門左公再拜賓辟再拜稽首

注左西方賓位也辟送遁不敢當君拜也

欽定義疏聘禮公迎賓再拜賓辟不答拜者以公為聘

君而拜已不敢承其禮也此則為食已而拜故既辟

還復再拜稽首

公揖入賓從

注揖入道之

及廟門公揖入

注廟廟也疏儀禮之內單言廟者皆據廟廟若非廟則

言廟祀受聘在祖廟食饗在福燕禮又在寢是其差次也

賓入三揖

注每曲揖及當碑指相人偶

至於階三讓

公升二等賓升

注遠下人君

敖氏繼公曰此下大夫與公升階之儀乃與卿同然則升階尊卑之差不過一等

大夫立於東夾南西面北上

注東夾南東西節也取節于夾明東於室之南是東於堂也疏此主國卿大夫立位序西為正

士立於門東北面西上

注統于門者非其正位

小臣東堂下南面西上宰

射士在西方東面北上不統于門今統于門者以賓在門西辟賓在此非正位故也疏燕禮大

東夾北西面南上

注宰宰夫之屬也古文無南上

敖氏繼公曰宰大宰也宰尊官於此乃見之者位定在後耳南上二字古文無之經惟言宰是獨立於此也南上之文無所用之傳寫者因下文而衍此二字耳宜從古文

欽定義疏此宰內宰也天官內宰凡賓客之裸獻瑤爵

皆贊致后之賓客之禮侯國之內宰亦當然也饗賓

則夫人亞裸此食禮殺於饗夫人不親內宰位於東

夾之北以見外內之官備所以示夫人敬客之意也

下經授公醬梁及為賓設豆簋鉶稻者皆宰夫也宰

惟授公涪視宰夫為尊則宰非宰夫之屬明矣大宰

為司徒之兼官三卿之長不應不立於東夾南而在

東夾北也注為南上二字所惑故以宰夫之屬言之

敖氏以為大宰則亦未詳於外內之辨也其下即內

官之士豈其倫乎

觀承案內官之南上者統於宰而宰之南上者又統於君以其位在東夾之北則君在南固宜以南為上耳謂此二字為衍恐亦未必然

內官之士在宰東北西面南上

欽定義疏此為內宰之屬則位於其上者為內宰明矣

此內官士也非奄也

介門西北面西上

注西上自統於賓也然則承擯以下立於士西少進東上則擯統于君而東上可知又承擯是大夫尊於士故知少進東上也不言上擯者上擯有事其位不定故不言

蕙田案以上迎賓

公當楣北鄉至再拜賓降也公再拜

注楣謂之梁至再拜者與禮侯賓嘉其來也公再拜賓降後又一拜本當再拜故皆以再拜言之

注西階東少就主君敬也

欽定義疏已國之臣拜位在阼階下燕禮主人獻公二大夫勝爵於公皆是也若為賓則拜於西階下燕禮

大夫為賓者是也聘禮私覲賓降拜於階東視階下

為稍東別於主君也此亦然故注以為少就主君也

擯者辭注辭拜於下拜也公降一等辭曰寡君從子雖將拜興

注賓降再拜公降擯者釋辭矣賓猶降終其再拜稽首興起也

欽定義疏賓在西階東欲答拜時擯者即辭之而賓拜

自若故曰拜也公見其不聽擯者之辭乃降一等以

示親辭而擯者致辭曰寡君從子而降矣子雖將拜

其興也容此兩辭之間而賓之再拜已訖非謂賓拜

未再得辭即興若然則上文賓升不得謂已拜矣

賓栗階升不拜

注自以已拜也栗實栗也不拾級連步趨主國君之命不拾級而下曰定

張氏爾岐曰升降有四法拾級連步謂兩足相隨不相過是尋常升階法栗階者始升猶蹙足連步至近上一二等左右足各一發而升堂是趨君命之法故燕

禮記云凡栗階不過二等又此經注不拾級而下曰是疏以為越三等是下階近地三等即不聚足也又云越一等為懸階其為四法

命之成拜階上北面再拜稽首注賓降拜主君辭之賓雖終拜於主君之意猶為不成

敖氏繼公曰拜下者臣也拜於上者賓也既升而命之成拜所以賓之

蕙田案以上拜至

士舉鼎去甬於外次入陳鼎於碑南南面西上右人抽

局坐奠於鼎西南順出自鼎西左人待載注入由東出由西明為賓也今文奠為委

古文待為持疏次入序人也去甬于外者以入當載于俎故去之土喪士虞皆入乃去甬喪禮變于吉也

敖氏繼公曰次入鼎在西者先在東者後也碑下脫一南字西南之南衍文皆傳寫誤也順出以次而出也順出正禮也其或逆出由便耳

盛氏世佐曰鼎南面以西為右右人在鼎西故抽局即奠於其西便也南順言奠局之法南北設之順鼎面也舉鼎之時局橫加於鼎上及其奠也直設於鼎旁故云順也出自鼎西謂右人奠局訖即自鼎西而出也上云次入則出亦以次可知故不須言順出惟

逆出乃著之以其變於初也敖氏分句不審乃以西南之南為衍字過矣

蕙田案碑南南面石經及古本俱缺一南字監本有之蓋後人所增也經云士舉鼎次入不云次出者舉入以見出也下文旅人取匕甸人舉鼎順出不云次入者舉出以見入也敖君善以下有順出之文疑南字為衍失之矣當從盛氏為是

雍人以俎入陳於鼎南旅人南面加匕於鼎退注旅人雍人之屬旅食者

也雍人言入旅人言退文互相備也出入之由亦如舉鼎者匕俎每器一人諸侯官多也

敖氏繼公曰雍人西面於鼎南陳俎俎南順旅人南面於鼎北加匕北枋

大夫長盥洗東南西南北上序進盥退者與進者交於前卒盥序進南面匕注長以長幼也序載者西面亦序自鼎東西

面於其前大夫七則載之疏待載時在鼎東南面今大夫鼎北面南七之左人當載故序自鼎東西面俎當鼎南則載者在鼎南稍東

敖氏繼公曰南面立於鼎後也

魚腊飪注飪熱也食禮宜熟饗有腥者疏上文直言羹定肉謂之羹恐魚腊不在其中故此特著魚腊飪也樂記大饗俎腥魚是饗禮有腥也又春秋傳王享有體薦以饗禮用體薦則腥矣豚解者皆腥也

蕙田案疏引大饗俎腥魚證饗之用腥然彼

大饗謂祫祭先王非饗賓客也賈氏誤矣其

云豚解者皆腥則得之

載體進奏注體謂牲與腊也奏謂皮膚之理也進其理本在前下大夫體七六豆二十豆是也進其理本在前者此謂生人食法故進本本謂近上者若祭祀則進未故少牢云進末鄭云變于食生是也

魚七縮俎注縮也魚在俎為縮於人亦稱縮縮也魚在俎為縮於人亦稱縮縮也

腸胃膚皆橫諸俎垂之注順其在牲之性也腸胃垂及俎拒

大夫既注倫膚謂豕也倫膚謂豕也倫膚謂豕也倫膚謂豕也

七七奠於鼎逆退復位注事畢宜由便也士載者又待設俎

敖氏繼公曰七七奠於鼎謂加七於鼎上也位東夾南

蕙田案以上鼎入載俎

公降盥注將設俎賓降公辭注辭其從己卒盥公壹揖壹讓公升賓升

一殺於初

欽定義疏凡降盥而升皆一揖以距階近無三揖之位

也始至於階三讓此惟一讓則殺於初矣亦公升二

等而後賓升

宰夫自東房授醯醬注授授公也醯醬以醯和醬

公設之注以其為饌本賓辭北面坐遷而東遷所注東遷所

於中席已東自中席已西設庶羞也

奠之東側其故處疏東遷所者謂以西為上君設當席中故東遷之辟君設處側近也近其故處

敖氏繼公曰東遷所東遷於其所也所者謂齊之正位也公設之處於其正位必少西少西者為賓當遷之故也遷之者示不敢當公親設之意且以為禮也

蕙田案以上公親設醬正饌之一

公立於序內西鄉注不立阼階上示親饌 疏君之行事皆在阼階上今

故賓立於階西疑立注不立階上以主君離阼也疑 宰夫自東房

薦豆六設於醬東西上韭菹以東醢醢昌本昌本南麩

麩以西菁菹鹿麩注醢醢醢有醢昌本昌本南菹也醢有骨謂之麩菁黃菁菹也

蕙田案以上宰夫設豆正饌之二

士設俎於豆南西上牛羊豕魚在牛南腊腸胃亞之注亞

不言淨錯俎尊也疏上設豆淨陳之下設黍稷錯陳之此設俎不淨不錯 膚以為特注直豕與腸胃東也特膚者出下牲賤 所出故云賤也

旅人取匕甸人舉鼎順出奠於其所注以其空也其所謂

蕙田案以上士設俎正饌之三

宰夫設黍稷六簋於俎西二以竝東北上黍當牛俎其

西稷錯以終南陳注竝併也

蕙田案以上宰夫設簋正饌之四

大羹滂不和實於鐙宰右執鐙左執蓋由門入升自阼

階盡階不升堂授公以蓋降出入反位注大羹滂煮肉汁也大

豆謂之鐙宰謂大宰宰夫之長也注蓋者饌自外入為風塵今文滂為汁又曰入門自阼階無升 疏宰位在東夾北西而南上今以蓋降出送門外乃更入反此

也位李氏如圭曰滂升自阼階者公親設之故也

敖氏繼公曰自門入者滂在饗也土昏禮曰大羹滂在饗記曰亨於門外東方

欽定義疏大羹滂皆盛於鐙經特於此見之滂與鉶為

類特牲禮主婦設兩鉶隨設大羹滂但以滂由門外

入故設之不以主婦耳其實主婦職也此禮宰執之

以授公亦足見宰之為內宰矣

公設之於醬西賓辭坐遷之注亦遷東所

盛氏世佐曰遷滂之法與醬同

五禮通考卷二百二十七 禮記燕禮 七

敖氏繼公曰辨謂辨取于三簋先黍後稷不欲其雜也每取黍稷皆以右手實于左手既則反於右手也亦壹以授賓不言壹者已明也

三牲之肺不離贊者辨取之壹以授賓注肺不離者刊之也不離肺者絕肺祭也壹猶稍也

賓興受坐祭注於是云賓興受坐祭重性也賓亦每肺興受祭於豆祭

張氏爾岐曰離而不殊留中央少許相連謂之離肺刊則切斷之故云不離祭離肺者必用手絕斷其連處刊肺則否故注云便賓祭也壹說文訓專壹廣韻訓合當是總合授賓使之祭如上文祭黍稷之例注云壹猶稍也又云每肺興受恐與經未合食禮本殺節文不宜如是其煩

方氏苞曰注豆祭似當作際傳寫誤也

扱手扱上鉶以柄辯擣之上鉶之間祭注扱扱其鉶菜也扱拭也拭以巾

敖氏繼公曰扱上鉶以柄謂以內列牛鉶之柄扱其鉶也辯擣之遂以柄擣三鉶也

欽定義疏辯擣之謂以上鉶之菜擣於餘鉶之汁所以示辯也

祭飲酒於上豆之間魚腊醬清不祭注不祭者非食物之盛者蔬以有三牲故魚腊不祭若入庶羞則祭之

敖氏繼公曰魚腊屬于性醬屬于豆清屬于鉶故雖說之亦不祭也不言腸胃膚者在魚腊之下不祭可知

蕙田案正饌之設凡七而賓之祭者五韭菹一也黍稷二也肺三也鉶四也飲酒五也醬與大羹清皆公親設之而不祭者醬即醯醢類也清即鉶類也祭醢以菹擣之祭鉶以菜擣之今醬清無菹與菜無所以擣者又酒漿之氣清醬清之質濁豆閒欲其潔故祭飲酒不祭醬清也

又案以上賓祭正饌

宰夫授公飯梁公設之於清西賓北面辭坐遷之注既告具矣而

又設此殷勤之加也遷之遷而西之以其東上也疏

知梁東上者下文宰夫膳稻于梁西是以梁在東為上

注位序

宰夫膳稻於梁西注膳猶進也進稻梁者以簋疏上設黍稷

內階西

郝氏敬曰穀以梁為大故君自設食

以稻為善故宰夫供膳食美曰膳

盛氏世佐曰設膳曰膳猶

置尊曰尊布筵曰筵也

五禮通考卷一百一十九 鄉食燕禮

七

蕙田案以上公親設梁宰夫膳稻加饌之一
敖氏疑膳當作設似有理然以郝氏盛氏

之說通之經文未必誤也

士羞庶羞皆有大蓋執豆如宰注羞進也庶眾也進眾珍味進可也魚或謂之臘臘大也唯醢醬無大如宰如其進大羹清右執豆左執蓋

欽定義疏俎與庶羞皆士設之以其自堂下來與饌於

東房者異也取諸門外以其加也

觀承案蓋執豆三字當為句蓋執者連蓋而
執之也下文以蓋降三字亦當為句而授字

自宜連上文為句也

先者反之注庶羞多羞人不足則相授于階上復出取也疏反之者以其於稻南其人不足則相授于階上復出取也由門入升自西階先者一人升設

於稻南簋西開容人注簋西黍稷西也必言稻南者明庶羞加不與正豆併也開容人者賓當從開往來也疏稻與庶

羞俱是加故南北相繼俱在黍稷正饌之西不與正豆併也賓當從開往來者下文賓左擁簋梁右執清以降公辭升反奠于其所是也

敖氏繼公曰先者一人士之長設脚者也
稻南言其東西節也簋西言其南北節也

旁四列西北上注不統於正饌者雖加自是一禮是所謂羹載中別疏即庶羞與此正饌東脚以東臠臠牛炙注脚臠臠今時臠也牛曰脚羊

南醢以西牛臠醢牛鮓注先設醢淨之以次也內則謂鮓為膾然則膾用鮓鮓南羊炙以

東羊臠醢豕炙南醢以西豕臠芥醬魚膾注芥醬芥實醬也內則曰膾春

用葱秋眾入騰羞者盡階不升堂授以蓋降出注騰當作騰騰送也授授先者

盛氏世佐曰士賡羞者雖眾而升堂設之者惟最先一人其餘則授于西階上也故先者一人不反其餘皆反

蕙田案以上士設庶羞加饌之二

欽定義疏正饌之列其在東之東者以西為上豆與俎

是也其在東之西者以東為上簋與鉶是也加饌之

列其在西之北者以東為上梁與稻是也其在西之

南者以西為上庶羞是也一陳饌之間亦必相變如此

蕙田案以上設加饌

贊者負東房告備於公注復告庶羞具者以其異饌贊升賓注以公命命者升席賓坐

席末取梁即稻祭於醬滂閒注即就也祭稻梁不于豆祭祭加宜于加

張氏爾岐曰醬滂不得言加注偶誤梁是公所親設醬滂亦公所親設公設是饌尊處故祭梁不于豆而于此耳

贊者北面坐辯取庶羞之大興一以授賓賓受兼壹祭

之注一一受之而兼壹祭之庶羞輕也自祭之于腳臙之間以異饌也

敖氏繼公曰祭不言其所亦于醬滂閒可知

欽定義疏賓之祭饌者六其親取以祭者三為贊所授以祭者三然於豆則辯取之而後搗搗而後祭於鉶則既扱而搗之辯辯而後祭於簠則取梁即稻而後祭是皆兼壹而祭也贊所授者於簠曰取辯興以授

賓而賓祭之於俎曰辯取興以授賓而賓祭之於羞亦曰辯取興以授賓而賓兼壹祭之是贊皆壹授而賓皆兼壹而祭也注於俎謂賓每肺興受而祭是以贊為非壹授賓亦非壹祭也於羞謂壹壹授之而兼壹祭之是以贊為非壹授惟賓為壹祭也似皆不合於經祭於腳臙之間亦以其為加饌之上豆故意之云爾蒙梁稻而言則敖氏謂滂醬閒者近之正饌祭於豆閒加饌祭於滂醬閒亦足以別矣

蕙田案以上賓祭加饌

賓北面自閒坐左擁篋梁右執滂以降注自閒坐由兩饌之間也擁抱也必取梁者公處欲食于階下然也公辭賓西面坐奠於階西東面對西面

坐取之栗階升北面反奠於其所降辭公注莫而後對成其必辭公者為其尊而親臨已食侍食贊者之事

張氏爾岐曰成其意者成其降食階下之意降辭公辭公之親臨也

公許賓升公揖退於箱注箱東夾之處擯者退負東塾而立注無

賓坐遂卷加席公不辭注贊者以告公公聽之重來優賓疏公既在贊者告公也公來則勞賓不來則賓不勞故不來者所以優饒賓也

欽定義疏大射儀賓有加席不辭者以公亦有加席也

此無阼席故賓卷之

賓三飯以清醬注每飯歡清以殺擣醬食正饌也三飯而止君子食不求飽不言其饒優賓疏案特性少牢尸食時舉殺皆言次

第此不言者任賓取之是優賓也宰夫執解漿飲與其豐以進注此進撤也非為卒

欲自潔清賓挽手興受注受解宰夫設其豐于稻西注酒在東漿在西是所謂左酒右漿

庭實設注乘皮

張氏爾岐曰設之將以侑賓

賓坐祭遂飲奠於豐上注飲

蕙田案以上賓食

公受宰夫束帛以侑西鄉立注束帛十端帛也侑猶勸也王國君以欲用深安賓也西鄉立序內位也受束帛于序端

欽定義疏賓既飲則贊者以告而公出自箱矣蓋飲者

食畢之事賓而飲將有告退之心矣故以是為侑幣

之節

賓降筵北面注以君將有命也擯者進相幣注為君釋幣辭于賓賓降辭

幣升聽命注降辭幣主國君又命之升聽命釋許辭降拜注當拜受幣公辭賓升再拜稽首

受幣當東楹北面注主國君南面授之當東楹者欲得君行一臣行二也退西楹西東而立

注俟主國君送幣也退不負序以將降公壹拜賓降也公再拜注賓不敢介逆出注

賓北面揖執庭實以出注指執者示親受公降立注俟上介受賓

幣從者訶受皮注從者府史之屬訶迎也疏知非士介者子男小聘使大夫士介一人而已介已受賓幣故知訶受者是府史之屬也

注豐且祭三且一鄉食燕禮

蕙田案以上公以東帛侑

賓入門左沒霤北面再拜稽首注便退則食禮未卒不退則嫌更入行拜若欲從此退

敖氏繼公曰霤門內霤也沒霤庭南也拜者謝侑幣之賜也沒霤而拜以公立于中庭也

公辭注止其拜揖讓如初注如初升賓再拜稽首公答再拜

注賓拜拜主國君之厚意賓指介入復位賓降辭公如初注將復食賓升公揖退於箱賓卒

食會飯三飲注卒已也己食會飯三漱漿也會飯謂黍稷也此食黍稷則初時食稻粱

敖氏繼公曰何者三飯乃飲此三飲蓋九飯也九飯大夫禮也後禮更端故與前三飯不相蒙食加飯而飲漿則此所飲者其酒與

張氏爾岐曰上文宰夫設黍稷云啟會是蓋兼會設之稻粱不言啟會是蓋不兼會故經以黍稷為會飯也

不以醬清注不復用正饌也初時食加飯用正饌此食正飯謂食黍稷也但用庶羞則經無其文據下文大夫庶羞酒飲漿飲庶羞可也注云於食庶羞宰夫又設酒漿以之食庶羞可也以彼語此恐此食會飯有三飲亦食庶羞此注所以有互相成之義也

挽手興北面坐取梁與醬以降西面坐奠於階西注示親以出者非所當得又以已得侑幣

楊氏復曰案注云初時食加飯謂食稻粱用正饌謂以穀搗醬食正饌也此食正飯謂食黍稷也但用庶羞則經無其文據下文大夫庶羞酒飲漿飲庶羞可也注云於食庶羞宰夫又設酒漿以之食庶羞可也以彼語此恐此食會飯有三飲亦食庶羞此注所以有互相成之義也

張氏爾岐曰公所親設賓亦親徹

東面再拜稽首注卒食拜也不北面者異于辭疏上文受侑幣出更

降再拜注答之也不辭之使升堂明禮有終

敖氏繼公曰公拜亦西面于階下

蕙田案以上賓卒食

介逆出賓出公送於大門內再拜賓不顧注初來揖讓而退難進易退之義賓者以賓不顧告公公乃還也

蕙田案以上賓出

有司卷三牲之俎歸於賓館注卷猶收也無遺之辭也三牲之俎正

魚腊不與注以三牲之俎無所釋故也禮之有餘為

蕙田案以上歸賓俎

明日賓朝服拜賜於朝拜食與侑幣皆再拜稽首注朝謂大門外

于能他時有所釋故疏特牲及士虞收俎歸

于尸釋三是有所釋此無所釋故稱卷也

施惠不言腸胃膚者在魚腊下不與可知也

蕙田案以上歸賓俎

明日賓朝服拜賜於朝拜食與侑幣皆再拜稽首

大門外

注朝謂大門外

疏聘禮拜饗與饗不拜束帛者彼使人致之故不拜此食禮君親賜故拜之訶聽之也此下大夫有士訶

蕙田案以上賓拜賜

上大夫八豆八簋六鉶九俎魚腊皆二俎注記公食上大夫異于下大夫之數豆加

葵菹蠃醢四為列俎加鮮魚鮮腊三三為列無特疏周禮醢人朝爭之豆非酒醢醢本糜醢善酒鹿醢茹追麋醢上文六豆用鹿醢以上有苡苡麋醢在今八豆不取苡苡麋醢而取饋食之豆葵菹蠃醢者以特牲少牢參之無特者陳饋要方上七俎東西兩行為六俎一俎特于俎東此九俎為三行故無特雖無特膚亦為下

敖氏繼公曰豆加苡苡麋醢加黍稷各一鉶加羊俎俎加鮮魚鮮獸于膚之下九俎則四為列而特鮮獸

魚腸胃倫膚若九若十有一下大夫則若七若九注此以命數為

差也九謂再命者也十一謂三命者也七謂一命者也九或上或下者再命謂小國之卿次國之大夫也卿則曰上大夫則曰下大夫之孤視子男疏周禮典命諸侯之臣分為三等三命再命一命不命與一命同此經魚腸胃倫膚亦分為三等有十一有九有七則十一當三命九當再命七當一命也大國之孤四命與子男同十三侯伯十五上公十七差次可知

欽定義疏子男之卿雖八豆八簋六鉶九俎與公侯伯之卿同然其魚腸胃倫膚二俎惟用九數不得用十

有一數若公侯伯之卿則用十有一數也子男之大夫雖六豆六簋四鉶七俎與公侯伯之大夫同然其魚腸胃倫膚三俎惟用七數不得用九數若公侯伯之大夫則用九數也就其同之中又有少異者以明其等

庶羞西東毋過四列注謂上下大夫也疏下大夫庶羞東西四行南北亦四行上大夫東西四行南北五行上大

夫庶羞二十加於下大夫以雉兔鶉鴛注鶉無母疏案兩雅釋鳥云鴛鴦鴛母郭璞曰

鶉也莊子曰田鼠化為鴛雉南子云蝦蟇所化月令曰田鼠化為鴛然則鴛鴦一物也張氏爾岐曰據經鴛鴦並列還是兩物

蕙田案以上食上大夫禮

若不親食注謂主國君有疾病若他故使大夫各以其爵朝服以侑幣致

之注執幣以將命豆實實於壺陳於楹外二以竝北陳簋實實於

筐陳於楹內兩楹閒二以竝南陳注陳壺筐于楹閒者象授受于堂中也南北相當以食饌同列

百壽北陳者變于食糝數如豆醢芥醬從焉筐米四疏正食之時豆設于醬東
西上今于楹間北陳故云變也菹醢各異物不可同糝故糝數如豆上大夫八豆
則八糝下大夫六豆則六糝也庶羞之醢同是醬類故使之相從但庶羞之醢
更無別種宜同一糝芥醬宜亦一糝也筐米四者黍稷各一筐稻粱又二筐
朱子曰兩楹間不必與楹
相當謂堂東西之中耳

庶羞陳於碑內注生魚也魚腊從焉上大夫加鮮魚腊雉兔鷄鴛不陳
于堂辟正饌疏上文魚膾是魚之中膾者此則全生不
膾何者本膾在豆與臠炙俱設今臠炙在牲未殺膾全不破可知庶羞之內鄭獨
云生魚者以其臠炙在牲不殺于此無矣雖有乾腊雉兔之等以生魚為主也云
魚腊從焉者雖無三牲之肉有乾魚腊可知庶羞實陳於碑外注執乘皮者
羞本在堂上正饌之西今在碑內故云辟正饌庭實陳於碑外也注不參分庭
一在南者以言歸宜近內疏庭實正法皆參分庭一在南而陳之故昏禮記云
納徵執皮者參分庭一在南今云碑外繼碑而言近北矣彼參分庭一在南陳之
謂在主人之庭參分庭一陳之擬與賓向外

牛羊豕陳於門內西方東注朝服食禮輕也
故近南此陳於客館擬與賓入內宜近內

賓朝服以受如受饗禮注朝服食禮輕也
賓注庭使近外賓朝服以受如受饗禮注朝服食禮輕也
賓注庭使近外賓朝服以受如受饗禮注朝服食禮輕也

明日賓朝服以拜賜於朝訝聽命注賜亦謂
賓注庭使近外明日賓朝服以拜賜於朝訝聽命注賜亦謂

蕙田案以上君不親食
大夫相食親戒速注記異於君者也速召也先迎賓於門外拜至
皆如饗拜注饗大夫相饗降盟受醬清侑幣束錦也皆自阼

階降堂受授者升一等注皆謂受醬受清受幣也侑用
欽定義疏授公者宰夫也此授大夫者其大夫之宰與

蕙田案公食有授梁之節此不見者主所親
設則賓親執之下云執梁與清是梁亦親設
可知文不具

賓止也注主人三降賓不從
賓止也注主人三降賓不從

賓執梁與清之西序端注不敢食
主人辭賓反之

欽定義疏公食禮賓卷席時公已退於箱公不辭賓卑
也此卷加席而主人辭則大夫猶未退矣意者公食

之禮公未退則賓不敢遽即席大夫食之禮則賓未
即席大夫不敢遽退與

五禮通考卷之五十九 饗燕禮 五

辭幣降一等主人從注從辭受侑幣再拜稽首主人送幣注從辭

亦然注敵也而稽首者食禮相尊敵雖敵亦稽首與臣拜君同也

辭於主人降一等主人從注辭謂辭卒食徹於西序端注亦

東面再拜降出注拜亦其他皆如公食大夫之禮注其他謂

陳設皆不異上陳但禮異者謂親戒速君則不親迎賓公不出此大夫出大門公

受醬消幣不降此大夫則降也公食大夫大夫降食于階下此言西序端上公食

卷加席公不辭此則辭之皆是異也

楊氏復曰案大夫相食與公食大夫之禮其稍異者公食使大夫戒此大夫相

食親戒速公食迎賓于大門內此迎賓于門外公食公降階盟此降堂盟公食

受醬受幣于宰夫此降堂而受公食受清宰盡階不升堂此降者升一等公食

執梁與清之西階下此之西序端公食賓降辭幣此賓降一等公食卷加席公

不辭此卷加席主人辭公食徹梁

與清奠于西階此奠於西序端

張氏爾岐曰降而盟用錫降辭幣時主人從而辭降受幣時主人稽首

送幣降辭主人主人從降卒食徹于西序端不拜階下亦皆異于公食者

蕙田案以上大夫相食

若不親食則公作大夫朝服以侑幣致之注作使也大夫有收

君必使其同爵者為

之致禮列國之賓來注與受賓受於堂無儐注與受

榮辱之事君臣同注與受蕙田案以上大夫不親食

記不宿戒注食禮輕也此所以不宿戒者謂前期三日之戒申戒為宿謂前

酒鄉射禮同注食禮輕也此所以不宿戒者謂前期三日之戒申戒為宿謂前

戒不速注食禮之朝夙興戒之賓不授几注異於無侑席注異於

當日為之不授几注異於無侑席注異於

注公不授几注異於無侑席注異於

郝氏敬曰不授几公不親授也無侑席不設主席也

蕙田案此記食禮異於常禮

享於門外東方注必於門外者大夫之事也東方者主陽

蕙田案此記亨

司宮具几與蒲筵常緇布純加萑席尋元帛純皆卷自

末注司宮大宰之屬掌宮廟者也丈六尺曰常半常曰尋純綠也萑細草也末經

所終有以識之必長筵者以有左右饌也今文萑皆為莞疏上麻饌之時正

蕙田案此記筵席

賓之乘車在大門外西方北面立

注賓車不入門廣敬也凡賓即朝中道而往將至下行而後車

還立於西方賓及位而止北面卿大夫之位當車前凡朝位賓主之間各以命數為遠近之節也疏云中道者內則云男子由右女子由左車從中央也卿大夫之位當車前者案大行人云上公立當軹侯伯立當前疾子男立當衡又云大國之孤朝位當車前則卿大夫立亦與孤同一節云凡朝位賓主之間各以命數為遠近之節者案大行人云上公朝位賓主之間九步侯伯七十步子男五十步注云朝位謂大門外賓下車及王車出迎所立處又云凡諸侯之卿其禮各下其君二等云依命數者據君而言其臣依君命數而降之

蕙田案此記乘車

銅芼牛藿羊苦豕薇皆有滑

注藿豆葉也苦苦茶也滑藟草之屬

敖氏繼公曰內則曰藟草粉榆免蕘滑藟以滑之故注以滑為藟草之屬

蕙田案此記銅芼

贊者盥從俎升

注俎其所有事

張氏爾岐曰贊者佐賓祭故盥升以待事俎先設故俎升亦升

蕙田案此記贊者升節

簠有蓋罍

注稻梁將食乃設去會於房蓋以罍幕巾也疏簠簠相將蓋既

至於陳設罍亦去之云有蓋罍者據出房未設而言

蕙田案此記簠

凡炙無醬

注已有鹹和

郝氏敬曰炙宜乾食故不設醬

蕙田案此記炙

上大夫蒲筵加萑席其純皆如下大夫純

注謂三命大夫也孤為賓則莞筵粉純加

纁席畫純也疏欲見公侯伯之卿二命亦與子男下大夫同

蕙田案此記上大夫筵席

卿擯由下

注不升堂也

疏此謂上擯詔賓主升降周旋之事而不升堂

上贊下大夫也

注上謂堂上擯贊者事相

近以佐上下為名

敖氏繼公曰上贊即贊者以其佐賓食于堂上故云上贊以下大夫為之欲其不尊于賓也張氏爾岐曰堂上之贊以下大夫為之贊佐於堂下贊佐於堂上故曰事相近言其相終始也

蕙田案此記擯贊者

上大夫庶羞酒飲漿飲庶羞可也

注於食庶羞宰夫又設酒漿以之庶羞可也以優賓

張氏爾岐曰前經下大夫不言食庶羞言飲漱不言飲酒亦其禮之殊者

拜食與侑幣皆再拜稽首

注嫌上大夫不稽首

蕙田案此記食上大夫儀

劉敞公食大夫義食禮公養賓養賢一也親之故愛之愛之故養之養之故食之食而弗愛猶豢之也愛而弗敬猶畜之也饗禮敬之至也食禮愛之至也饗為愛弗勝其敬食為敬弗勝其愛文質之辨也公使大夫戒必以其爵恭也已輕則卑之已重則是以其貴臨之也賓三辭聽命言是禮之貴弗敢當也弗敢

當故難進也公迎賓於大門內非不能至於外也所以待人君之禮也臣之意欲尊其君子之意欲尊其父故迎賓於大門內所以順其為尊君之意也三揖至於階三讓而升堂充其意諭其誠也於廟用祭器誠之盡也君子於所尊敬不敢狎不敢狎故神明之神明之故忠臣嘉賓樂盡其心也大夫立於東夾南西面北上士立於門東北面西上小臣東堂下南面西上宰東夾北西面南上內官之士在宰東北西面南上百官有司備以樂養賢也設筵加席几致安厚之義也公設醬然後宰夫薦豆菹醢士設俎公設大羹然後宰夫設鉶啟籩言以身親之也賓徧祭公設梁宰夫膳稻士膳庶羞為殷勤也賓三飯梁以清醬以君子之厚已也賓必親徹有報之道也庭實乘皮

三禮卷之五
有以束帛雖備物猶欲其加厚焉也公拜送終之以
敬也有司卷三牲之俎歸於賓館不敢褻其餘也上
大夫八豆八簋六鉶九俎庶羞二十其餘衰見是德
之殺也君子言之曰愛人者使人愛之者也敬人者
使人敬之者也親人者使人親之者也自卑者使人
尊之者也是故公養賓國養賢其義一也未有愛之
敬之親之尊之而其位不安者也未有不愛不敬不
尊不親而能長有其國者也將由乎驕慢之君則將
怡焉惟恐其不足於禮將由乎驕慢之君則將曰是
食於我而已矣故禮君子所不足小人所泰餘也孔
子食於少施氏將祭主人辭曰不足祭也將殮主人
辭曰不足殮也孔子退曰吾食而飽少施氏有禮哉
故君子難親也將親之舍禮何以哉

右儀禮公食大夫禮

周禮秋官大行人上公之禮食禮九舉諸侯之禮食禮

七舉諸子食禮五舉

注鄭司農云舉舉樂也元謂九舉舉牲體九飯也

之時九舉牲體而食畢先鄭云舉舉樂也後鄭易之以爲舉牲體者但此經食禮九舉與饗禮九獻相連故以食禮九舉爲舉牲體其實舉中可兼樂也
禮記坊記子云敬則用祭器注祭器籩豆簋鉶之屬也有敬事於賓
故君子不以非廢禮不以美沒禮故食禮主人親饋則
客祭主人不親饋則客不祭故君子苟無禮雖美不食
焉

右經傳食禮

五禮通考卷第一百五十九

五禮通考卷第一百六十

內廷儀禮部右侍郎金匱秦憲用編輯

李天保總督蘇都御史桐城方觀承同訂

嘉禮三十三

饗燕禮

翰林院編修嘉定錢大昕

直隸按察副使和宋完

參校

蕙田案三代以後封建廢而饗燕之禮亦亡
惟天子宴羣臣之禮累代相承不廢猶有鹿
鳴天保之遺意焉漢魏有元正朝會晉有冬
至小會唐以後乃有聖節朝會皆於稱賀之
後備設筵宴謂之大宴其立春上元寒食上
巳四月八日重午七夕中秋重九諸節亦有
賜宴而或宴或否代各不同其天子特宴宰
輔侍從諸臣無常期謂之曲宴至如國有大

王禮樂卷一百一
慶及大禮告成宮室落成之類亦多設宴雖未必盡合於古禮而可以通上下之情示慈惠之意亦太平盛事也至於宴蕃國主及使臣則入賓禮凱旋勞軍閱武饗射則入軍禮巡幸宴犒外官見辭幸勳戚第之類皆不常有且非宴饗之正故不及云

漢書高帝本紀四年十一月西入關至櫟陽存問父老置酒留四日

蕙田案此巡幸設宴之始後代天子巡幸宴勞從官及所過郡縣吏人史冊所載甚多別見巡狩門此特志其緣起

五年夏五月帝置酒雒陽南宮 六年三月上置酒封雍齒因趣丞相急定功行封

叔孫通傳漢七年長樂宮成諸侯羣臣朝十月至禮畢盡伏置法酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去竟朝置酒無敢謹譁失禮者

邱氏潛曰此後世大朝賀宴會之禮所由起自漢行歲首慶賀禮魏晉以後又有賀冬至禮唐中葉又有所謂賀生日禮皆於是日行禮畢設大宴以享百官蕙田案此歲首大宴之始亦宮室落成設宴之始

史記高祖本紀九年未央宮成高祖大朝諸侯羣臣置酒未央前殿高祖奉玉卮起爲太上皇壽曰始大人常以臣無賴不能治產業不如仲力今某之業所就孰與仲多殿上羣臣皆呼萬歲大笑爲樂

蕙田案此於大宴捧觴為太上皇壽

漢書高祖本紀十二年冬十月上破布軍於會岳還過沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四方令兒皆和習之乃以沛為湯沐邑復其民世世無有所與沛父老諸母故人日樂飲極歡道舊故為笑樂十餘日上欲去沛父兄固請上曰吾人眾多父兄不能給乃去沛中空縣皆之邑西獻上留止張飲三日

蕙田案此幸故里設宴之始

三輔黃圖武帝建柏梁臺羣臣能賦七字者賜上座

蕙田案此曲宴詞臣之始

王尊傳成帝即位尊劾奏丞相匡衡正月行幸曲臺臨

饗罷衛士衡與中二千石大鴻臚賞等會坐殿門下衡南鄉賞等西鄉衡更為賞布東鄉席起立延賞坐私語如食頃衡知行臨百官共職萬眾會聚而設不正之席使下坐上相比為小惠於公門之下動不中禮亂朝廷爵秩之位有詔弗治於是衡慙懼免冠謝罪上丞相侯印綬

續漢書禮儀志季冬饗遣故衛士儀百官會位定謁者持節引故衛士入白端門衛司馬執幡鉦護行行定侍御史持節慰勞以詔問所疾苦受其章奏所欲言畢饗賜作樂觀以角牴樂闋罷遣勸以農桑百官賀正月二千石以上上殿稱萬歲舉觴御坐前司空奉羹大司農奉飯奏食舉之樂百官受賜宴饗大作樂其每朔惟十月旦從故事者高祖定秦之月元年歲首也

通鑑綱目安帝永初三年十二月詔饗遣衛士勿設戲作樂

後漢書桓帝本紀延熹元年五月己酉大會公卿以下賞賜各有差

冊府元龜先主初入蜀於涪大會置酒作樂

右兩漢宴饗

南齊書禮志魏武都鄴正會用漢儀後魏文修洛陽宮室權都許昌宮殿狹小元日於城南立瓊殿青帷以為門設樂饗會後還洛陽依漢舊事

魏氏春秋甘露元年二月丙辰帝宴羣臣於太極東堂與侍中荀顛尚書崔贊袁亮鍾毓給事中中書令虞松等並講述禮典遂言帝王優劣之差

晉書禮志武帝更定元會儀夜漏未盡七刻謂之晨賀

書漏上三刻更出百官奉壽酒謂之晝會 冬至日受方國及百僚稱賀因小會

蕙田案元會儀及樂章詳見朝賀門

明帝本紀太甯元年三月戊寅朔改元臨軒停享宴之禮懸而不樂 二年春正月丁丑帝臨朝停享宴之禮懸而不樂

宋書明帝本紀泰豫元年春正月甲寅朔上有疾不朝會

南齊書高帝本紀建元元年秋九月戊申車駕幸宣武堂宴會詔諸王公以下賦詩 二年春三月車駕幸樂游苑宴王公以下賦詩

武帝本紀永明二年八月丙午車駕幸舊宮小會設金石樂在位者賦詩 四年閏正月甲寅以藉田禮畢車

駕幸闕武堂勞酒小會 五年三月戊子車駕幸芳林園禊宴九月己丑詔曰九日出商飈館登高宴羣臣辛卯車駕幸商飈館

蕙田案上巳九日宴羣臣始此

梁書武帝本紀大同十年春三月庚戌幸回賓亭宴帝鄉故老

太清元年五月丁酉輿駕幸德陽堂宴羣臣設絲竹樂陳書武帝本紀永定二年冬十二月丙寅高祖於太極殿東堂宴羣臣設金石之樂以路寢告成也

宣帝本紀太建四年冬十二月壬寅甘露降樂遊苑甲辰輿駕幸樂游苑采甘露宴羣臣 七年閏九月甘露頻降樂遊苑丁未輿駕幸樂遊苑采甘露宴羣臣魏書明元帝本紀永興四年四月乙未宴羣臣於西宮

使各獻直言 五年十一月癸酉大饗於西宮

神瑞二年二月丁亥大饗於西宮

秦帝七年二月丙戌車駕還宮大饗於西宮

太武帝本紀始光二年九月永安安樂二殿成丁卯大饗以落之

文成帝本紀太安四年九月辛亥太華殿成丙寅饗羣臣

孝文帝本紀太和九年正月癸未大饗羣臣於太華殿班賜皇詔 十年正月癸亥朔帝始服袞冕朝饗萬國

十有六年正月戊午朔饗羣臣於太華殿十月庚戌太極殿成大饗羣臣 十有七年正月壬子朔帝饗百寮於太極殿 十有八年夏五月乙亥詔罷五月五日七月七日饗

蕙田案重午七夕之宴未詳始於何時

宣武帝本紀景明三年十有二月壬寅饗羣臣於太極前殿

出帝本紀永熙二年正月庚寅朔朝饗羣臣於太極殿北齊書文宣帝本紀天保九年十一月甲午帝至自晉陽登三臺御乾象殿朝宴羣臣竝命賦詩

北周書明帝本紀武成二年春正月癸丑朔大會羣臣於紫極殿始用百戲焉三月辛酉重陽閣成會羣公列將卿大夫及突厥使者於芳林園賜錢帛各有差

武帝本紀天和元年春正月辛巳路寢成幸之令羣臣賦古詩京邑耆老竝預會焉三年春三月丁未大會百寮及四方賓客於路寢

隋書高祖本紀開皇三年三月庚申宴百寮 十二年十一月辛亥有事於南郊壬子宴百寮頒賜各有差煬帝本紀大業十一年正月甲午朔大饗百寮

右魏晉至隋宴饗

唐開元禮皇帝正至受羣臣朝賀并會儀 俱見朝賀門 皇帝千秋

冊府元龜高祖武德元年五月戊申宴羣臣賜帛各有差八月庚子設宴三品以上賜雜綵各有差 二年二月癸巳宴羣臣臨奏九部樂賜錢各有差極歡而罷三年七月戊辰宴羣臣八月庚戌宴羣臣奏九部樂於庭賜布帛各有差 四年五月癸亥宴五品以上奏九部樂於庭七月戊辰宴羣臣奏九部樂於庭帝舉酒屬百官極歡乃罷賜錢帛各有差 五年正月壬子幸昆

明池宴從官賜帛各有差三月己酉宴羣臣賜帛各有差

舊唐書高祖本紀武德六年春三月乙未幸昆明池宴百官夏四月己未通義里舊宅改爲通義宮於是置酒高會賜從官帛各有差

冊府元龜武德六年三月己丑宴五品以上於昭德殿賜帛各有差九月丙子宴五品以上於內苑舉酒以屬羣臣極歡而罷十月甲辰以有年宴羣臣賜物各有差

七年四月癸卯宴羣臣奏九部樂賜帛各有差八年三月丁酉宴羣臣於元武門陳倡優爛熳之伎四月丁未赤雀巢於殿門宴五品以上上頌者十餘人極歡而罷五月乙巳宴五品以上及外戚於內殿賦詩賜綵極歡而罷九年五月乙卯宴羣臣

太宗以武德九年八月甲子卽位甲戌宴羣臣於顯德前殿賜帛各有差

舊唐書音樂志貞觀元年宴羣臣始奏秦王破陳之曲冊府元龜貞觀二年五月丙辰以夏麥大稔宴羣臣奏九部樂於庭賜物各有差九月壬子宴羣臣奏九部樂賜帛各有差賜天下大酺三日慶有年也十一月甲子宴羣臣賜帛各有差三年正月甲子宴羣臣奏九部樂歌太平舞獅子於庭賜帛有差四年二月己酉宴三品以上於中華殿三月戊辰宴三品以上於林光殿賜物各有差七月壬辰宴羣臣於芳華殿奏九部樂於庭帝大悅親舉酒以屬羣臣羣臣奉觴稱慶極歡而罷賜帛各有差五年正月甲戌宴羣臣奏九部樂歌太平舞獅子賜從官帛各有差

舊唐書音樂志貞觀六年太宗行幸慶善宮宴從臣於渭水之濱賦詩十韻其宮卽太宗降誕之所車駕臨幸每特感慶賞賜閭里有同漢之宛沛焉於是起居郎呂才以御製詩等於樂府被之管絃名爲功成慶善樂之曲令童兒八佾皆進德冠紫袴褶爲九功之舞冬至享燕及國有大慶與七德之舞偕奏於庭

冊府元龜六年正月甲戌宴三品以上於百福殿賜物各有差二月戊寅宴三品以上於丹霄殿賜從官帛各有差閏八月己卯宴近臣於丹霄殿樓帝甚懽夜分乃散各賜錢帛有差 七年正月癸巳宴三品以上於元武門賜帛各有差 十一年正月壬辰宴五品以上於兩儀殿賜帛各有差三月庚子宴三品以上於西苑帝御龍舟汎於積翠池十一月庚戌宴五品以上於貞觀

殿奏九部樂賜帛各有差 十三年正月庚子會羣臣奏功成慶善及破陳之樂 十四年正月己酉宴羣臣於元武門奏倡優百戲之樂賜物各有差九月乙巳宴京官五品以上於兩儀殿奏九部之樂 十六年十一月乙亥以輿駕還宮宴百寮奏十部樂先是伐高昌收其樂工付太常增九部樂爲十部 十八年二月辛酉詔三品以上賜宴於元武門帝旣工隸書又好飛白於王衛之間別更立意遂觸類增長精妙絕倫每有新奇羣臣無不下拜啟請是日帝操筆作飛白書羣臣乘酒就帝手中相競散騎常侍劉洎登御牀引手然後得之其不得者咸稱洎登御牀罪當死請引付法帝笑而言曰昔有婕妤辭輦今見常侍登牀五月甲戌詔司徒長孫無忌以下十餘人於丹霄殿賜宴各賜膜皮

舊唐書高宗本紀永徽元年春正月壬寅御太極殿受朝而不會

冊府元龜永徽三年二月甲辰宴三品於百福殿帝舉酒極歡賜以錦綵各有差甲寅京城百姓以歲旱帝避正寢撤膳遂降甘雨相率宴樂兼奏倡優百戲帝御安福門樓以觀之五年四月癸巳宴文武羣官及麟遊縣老人於元武門賜物各有差

顯慶元年正月己卯宴文武羣官及朝集使蕃客京城老人八十以上賜物各有差

麟德元年八月丙子帝自萬年宮還便幸舊宅丁丑宴羣臣賜物有差

舊唐書高宗本紀乾封元年春正月癸酉宴羣臣陳九部樂賜物有差日昃而罷

冊府元龜咸亨三年六月甲寅御冷泉宮亭子召許敬宗及東西臺三品舉酒作樂

舊唐書高宗本紀上元元年九月辛亥百寮具新服上宴之於麟德殿

儀鳳三年秋七月丁巳宴近臣諸親於咸亨殿

調露二年春正月乙酉宴諸王諸司三品以上諸州都督刺史於雒城南門樓奏新造六合還淳之舞

中宗本紀景龍三年春正月乙亥宴侍臣及近親於梨園亭九月壬戌幸九曲亭子宴侍臣學士四年三月甲寅幸臨渭亭修禊飲賜羣官柳捲以辟惡四月丁亥上遊櫻桃園引中書門下五品已上諸司長官學士等入芳林園嘗櫻桃便令馬上口摘置酒為樂乙未幸隆慶池結綵為樓宴侍臣泛舟戲樂

元宗本紀先天二年九月己卯宴王公百寮於承天門
令左右於樓下撒金錢許中書門下五品以上官及諸
司三品以上官爭拾之

冊府元龜開元十年正月乙巳御含元殿宴羣臣
十五年十一月庚子御含元殿宴羣臣
十六年十一月
丙午御含元殿宴羣臣

舊唐書元宗本紀開元十七年秋八月癸亥上以降誕
日讌百僚於花萼樓下

蕙田案此聖節設宴之始自後開元二十三
年二十四年二十五年二十八年天寶十四
載俱以降誕日宴羣臣或在花萼樓或在廣
達樓或在勤政樓至乾元元年於金明樓宴
百官則在內禪之後

冊府元龜二十三年七月戊寅以藉田禮畢大置酒於
應天門以會百官
二十五年正月己丑以望日命有
司於勤政樓前樹燈宴羣臣於樓下

蕙田案正月望日宴羣臣始見於此

舊唐書元宗本紀開元二十八年春正月壬寅以望日
御勤政樓讌羣臣連夜燒燈會大雪而罷因命自今常
以二月望日夜爲之

天寶四載春三月甲申宴羣臣於勤政樓

冊府元龜天寶四載二月敕今月十四十五十六日宜
令中書門下及兩省供奉官諸司文官四品以上郎官
御史節度採訪使等並於花萼樓下宴
五載正月敕
今月十四十五十六日宜令中書門下及兩省供奉官
文官四品以上武官三品以上正員並御史中丞嗣王

郡王郎官御史節度使並於花萼樓下參宴不須入朝
舊唐書元宗本紀十三載三月丙午御躍龍殿門張樂
宴羣臣極歡而罷壬戌御勤政樓大酺 十四載春三
月丙寅宴羣臣於勤政樓奏九部樂上賦詩效柏梁體
冊府元龜肅宗乾元二年九月丙寅帝降誕日宴百官
於宣政殿前賜絹三千匹

代宗寶應元年八月丁巳宴宰臣及師保常侍給舍中
丞六尚書左右丞侍郎諸司長官等於延英殿賜物有
差

永泰元年正月辛亥宴宰臣及兩省五品以上御史臺
五品以上尚書省四品以上等官及諸司長官於延英
殿
大厯五年六月辛丑宴宰臣節度使六尚書御史大夫

京兆尹於內殿 六年正月己卯宴宰臣及節度使六
尚書御史大夫京兆尹判度支戶部侍郎於內殿賜物
有差 八年閏十一月癸亥宴宰臣及節度使轉運使
御史大夫京兆尹判度支戶部侍郎於內殿 九年四
月辛巳宴宰臣及諸節度使轉運使御史大夫京兆尹
判度支戶部侍郎及勳舊大臣於內殿賜物有差 十
年八月乙亥宴宰臣及御史大夫節度使轉運使判度
支戶部侍郎京兆尹於三殿 十三年正月甲戌帝御
三殿宴宰臣及節度使轉運使判度支戶部侍郎京兆
尹等賜物有差二月庚辰帝御三殿宴侍臣五品以上
御史臺五品以上尚書省四品以上及節度觀察在城
判官等并宰臣勳臣弟兄等並赴會凡三日連宴錫賚
極於豐厚 十四年二月壬辰帝御三殿宴宰臣及兩

省供奉官并文武百寮賜物有差癸巳又御三殿宴至德以來勳臣子弟及藩邸舊臣子弟賜物有差順時令廣恩也

舊唐書德宗本紀貞元四年春正月甲寅宴羣臣於麟德殿設九部樂內出舞馬上賦詩一章羣臣屬和九月丙午詔比者卿士內外左右朕躬朝夕公門勤勞庶務今方隅無事蒸庶小康其正月晦日三月三日九月九日三節日宜任文武百寮選勝地追賞為樂每節宰相及常參官共賜錢五百貫文翰林學士一百貫文左右神威神策等軍每廂共賜錢五百貫文金吾英武威遠諸衛將軍共賜錢二百貫文客省奏事共賜錢一百貫文委度支每節前五日支付永為常式癸丑賜百寮宴於曲江亭仍作重陽賜宴詩六韻賜之羣臣畢和上品

六優劣以劉太真李紆為上等鮑防于召為次等張濛殷亮等二十人又次之惟李晟馬燧李泌三宰相之詩不加優劣六年春二月戊辰朔百寮會宴於曲江亭上賦中和節羣臣賜宴七韻三月庚子百寮宴於曲江亭上賦上巳詩一篇賜之

蕙田案德宗移正月晦日宴於二月朔改名中和節

冊府元龜貞元八年正月詔三節宴集先已賜諸衛將軍錢其部率以下可賜錢百千八月詔西河吳楚連被水災其九日宴會宜罷

舊唐書德宗本紀九年春二月庚戌朔先是宰相以三節次宴府縣有供帳之弊請以宴錢分給各令諸司選勝宴會從之是日中和節宰相宴於曲江亭諸司隨便

自是分宴焉秋九月己卯罷九日宴以太師晟喪也
十年秋九月戊子賜百寮九日宴上賦詩賜之
冊府元龜十年九月十日以重陽宴賜百寮追賞初九
日以雨罷宴及是方會宴
舊唐書德宗本紀十一年春三月辛未賜宰臣兩省供
奉官宴於曲江亭秋九月己卯賜宰臣兩省供奉官宴
於曲江賦詩六韻賜之
冊府元龜十二年二月己卯寒食節帝御麟德殿之東
亭觀武臣及勳戚子弟會毬兼賜宰臣饌饌於宰臣位
後施畫屏風圖漢魏名相仍紀其嘉言美行題之於下
宰臣各賜錦綵百疋銀瓶盤各一具其從官直省各有
差

蕙田案寒食節賜宴始此

舊唐書德宗本紀十三年春二月丁巳賜宰臣兩省供
奉官宴於曲江亭秋九月辛卯九日宴宰臣百官於曲
江上賦詩以賜之 十四年春二月戊午上御麟德殿
宴文武百寮初奏破陳樂徧奏九部樂及宮中歌舞妓
十數人列於庭先是上制中和樂舞曲是日奏之日晏
方罷比詔二月一日中和節宴以雨雪改用此日上又
賦仲春麟德殿宴羣臣詩八韻頒賜羣臣有差
冊府元龜十四年二月壬子朔以雨雪不克宴會改俟
他日九月重陽節以襄陽節度樊澤卒廢朝其百官宴
享宜改取十一日

舊唐書德宗本紀十五年春二月罷中和節宴會年凶
故也癸卯罷三月羣臣宴賞歲饑也
冊府元龜十五年九月詔罷今年重陽日宴會是日吳

少誠逆徒圍許州 十六年正月詔罷今年中和節宴會二月詔罷今年三月三日宴會九月壬寅駙馬都尉郭曖卒罷九日宴會

舊唐書德宗本紀十七年春二月癸巳朔賜羣臣宴於曲江亭上賦中和節賜宴曲江詩六韻賜之三月乙丑賜羣臣宴於曲江亭秋九月戊辰羣臣宴曲江上賦九日賜宴曲江亭詩六韻賜之 十八年春二月戊子朔賜羣臣宴於馬璘之山池三月乙丑賜羣臣宴於馬璘之山池秋九月癸亥賜羣臣宴於馬璘山池上賦九日賜宴詩六韻賜之 十九年春二月壬午朔賜宴馬璘山池

蕙田案時馬璘宅已沒入官為奉誠園故賜羣臣宴於此

冊府元龜十九年三月上巳賜中書門下及兩省供奉官會宴於馬璘池亭

舊唐書德宗本紀二十年春二月丙午朔罷中和節宴咸儉也九月庚辰賜羣臣宴於馬璘山池

憲宗本紀元和二年春正月丁巳停中和重陽二節賜宴其上巳宴仍舊賜之二月丁丑寒食節宴羣臣於麟德殿賜物有差

冊府元龜元和二年三月上巳節賜宰臣百寮合宴於曲江亭

舊唐書憲宗本紀七年三月辛酉以惠昭太子葬罷曲江上巳宴

冊府元龜七年九月甲子重陽節賜百官宴於曲江八年九月戊午重陽節賜羣臣宴於曲江 九年九月

壬午重陽節賜百官宴於曲江 十一年七月丙寅權
停重陽日曲江賜宴 十二年八月癸未敕今年重陽
日公卿宴宜權停 十三年二月乙亥御麟德殿宴宰
臣及太子三少六尚書左右丞侍郎御史中丞中書門
下省五品以上官翰林學士京兆尹度支鹽鐵使左右
金吾將軍威遠皇城六軍及諸衛大將軍駙馬都尉諸
道朝覲節度使公主郡主等觀擊鞠角觝之戲大合樂
極歡而罷以錦綵銀器頒賜有差丙子又召宰相師保
中丞京尹度支鹽鐵使並入內觀諸親及軍使會鞠
十四年三月乙酉宴文武百寮於麟德殿丙戌又宴宰
輔及大臣翰林學士於禁中
舊唐書穆宗本紀元和十五年九月戊申以重陽節曲
宴郭釗兄弟貴戚主婿等於宣和殿

長慶元年二月辛卯寒食節宴羣臣於麟德殿頒賜有
差 三年三月丁巳宰臣百寮賜宴於曲江亭九月賜
宰臣百寮重九宴於曲江亭

冊府元龜長慶三年時韋綬為太子侍讀綬之在書府
遇重陽日百官有曲江之宴特請與集賢學士等別為
一會從之

舊唐書敬宗本紀寶曆元年春三月壬子宴羣臣於三
殿 二年春二月丁巳寒食節三殿宴羣臣自戊午至
庚申方止三月甲戌賜宰臣百寮上巳宴於曲江亭
文宗本紀太和六年正月乙未朔以久雪廢元會二月
己丑寒食節上宴羣臣於麟德殿 八年三月甲寅上
巳賜羣臣宴於曲江亭 九年冬十月壬午賜羣臣宴
於曲江亭

冊府元龜開成二年二月京兆尹歸融因對奏上巳日曲江宴緣初遇兩公主出降物力不辦請改日帝曰去年重陽改就九月十九日未失重九之意今上巳日改取十三日可乎融受命而退

舊唐書文宗本紀開成二年三月丙寅罷曲江宴八月敕慶成節宜令京兆尹準上巳重陽例於曲江會文武百寮延英奉觴宜權停十月庚子慶成節賜羣臣宴於曲江三年十月甲午慶成節命人以酒脯仙韶樂賜羣臣宴於曲江亭四年正月丁卯夜於咸泰殿觀燈作樂三宮太傅諸公太后諸公主等畢會三月乙酉賜羣臣上巳宴於曲江冬十月戊午慶成節賜羣臣宴於曲江亭

武宗本紀會昌二年五月敕慶陽節百官率醵外別賜

錢三百貫以備素食合宴仍令京兆府供帳用追集坊市樂人

蕙田案唐時宴饗羣臣見於舊唐書及冊府元龜者多矣元旦冬至朝會大宴也正月望日及晦日德宗改於二月朔名中和節上巳寒食重陽及誕聖節俱有賜宴節宴也若無事而宴宰臣及三品四品五品以上不為定期即宋之曲宴也開元禮及唐書禮樂志惟有元至及千秋節饗會儀注其餘皆無之今摭採舊書及冊府元龜所載以存一代之制至於外臣朝辭及勳臣特宴概不及焉

右唐宴饗

冊府元龜後唐莊宗同光元年八月癸卯以內園新殿

成名曰長春殿宴大臣賜分物有差十月辛巳萬壽節
 宴長春殿賜百官分物己亥宴於崇元殿十二月丁亥
 宴羣臣於嘉慶殿 二年四月庚辰宴武臣於嘉慶殿
 九月癸卯宴大臣於長春殿丁未又宴羣臣於嘉慶殿
 十月丙寅朔宴大臣於嘉慶殿丁亥宴羣臣於長春殿
 壬辰嘉慶殿宴近臣十一月丙寅朔宴大臣於嘉慶殿
 戊子宴羣臣於嘉慶殿壬辰宴近臣於嘉慶殿 三年
 閏十二月庚午宴諸王武臣於長春殿始聽樂先是七月
 太后之喪至
 是始聽樂 四年二月戊子朔宴武臣於嘉慶殿
 明宗天成元年五月甲戌宴文武百寮於長春殿 二
 年二月癸未宴武臣於長春殿三月壬子朔幸會節園
 宰相樞密使及節度使在京者共進錢絹請宴四月戊
 子幸會節園召宰臣學士在京勳臣赴宴八月戊戌宴

宰相學士及勳臣於長春殿九月己未宴在京藩侯郡
 守於長春殿各有頒賜甲子宴羣臣於長春殿賜物有
 差乙丑宴樞密使及在京節度使內諸司使等於長春
 殿十月乙未帝在汴宴宰臣學士諸將校等於玉華殿
 丁酉宴羣臣於玉華殿乙巳宴於元德殿 三年二月
 辛巳宴從臣於玉華殿戊戌開社宴於玉華殿三月戊
 申宴百寮於玉華殿丁卯宴從臣於南莊八月戊戌宴
 侍臣於玉華殿九月乙丑帝在汴宴百辟於玉華殿十
 一月壬午宴宰臣學士及東都留守孔循於麟趾殿
 四年三月乙酉宴宰相在京節度使於中興殿辛卯宴
 百辟於長春殿丙申幸會節園召從臣赴宴四月丙午
 宴於中興殿八月戊戌宴勳臣於廣壽殿丁巳宴大臣
 於長春殿九月乙酉宴羣臣於長春殿十一月戊辰宴

勳臣於廣壽殿

長興元年二月乙未宴羣臣於長春殿酬郊祀行事也
三月丁卯幸會節園宴宰相及諸道人觀節度使賜物
有差四月己亥幸會節園宴大臣至暮歸宮六月宴羣
臣於長春殿九月壬申宴百官於長春殿 二年三月
己亥宴羣臣於長春殿賜物有差四月丁酉幸會節園
宴宰臣親王內臣及在京侯伯五月癸酉宴羣臣於長
春殿九月丁酉宴百寮於長春殿十二月己巳宴近臣
於長春殿 三年二月戊午宴羣臣於長春殿四月宴
羣臣於長春殿九月壬辰宴羣臣於長春殿教坊進新
曲奏畢賜名長興殿 四年三月辛卯宴百寮於長春
殿十一月癸未宴近臣及諸軍將校於中興殿
末帝清泰元年五月甲寅宴羣臣於長春殿 二年三

月丙午宴羣臣於長春殿宰臣樞密使前任節度使六
統軍進奉捧觴獻壽日夕而罷辛酉宰臣學士皇子樞
密宣徽使侍衛馬步都指揮使共進錢五十萬絹五百
疋請開宴

五代史晉本紀高祖天福六年二月戊申停買宴錢

蕙田案宴饗之禮以示慈惠五季之臣爭進
錢以求開宴非禮甚矣晉祖罷之是也

冊府元龜後晉天福六年五月甲戌宴羣臣於永福殿
七月甲戌宴宰臣前任見任節度刺史統軍行軍副使
於永福殿八月戊申宴文武百官於武德殿九月庚辰
宴文武百官於武德殿諸道進奉使來朝者亦與焉十
月壬寅宴宰臣節度防禦團練使刺史統軍行軍副使
於畫堂十一月乙亥宴宰臣節度防禦團練使刺史統

軍行軍副使諸軍指揮使於文思殿諸道進奉使亦與焉 七年二月己丑御武德殿開宴乙未御文思殿開宴三月丙子御文思殿宴宰臣前任見任節度使刺史行軍副使統軍諸軍都指揮使閏三月丁未御崇德殿宴宰臣前任見任節度防禦團練刺史統軍行軍副使都指揮使四月丙辰宴宰臣節度防禦團練刺史行軍副使統軍諸軍都指揮使於崇德殿

後漢隱帝乾祐三年三月丙午嘉慶節羣臣入相國寺齊賜教坊樂甲寅入朝侯伯高行周以下以皇帝初舉樂獻銀縑千計請開御筵謂之買宴戊午宴羣臣於永福殿入覲諸侯貢獻上壽內樂百戲日宴而罷

後周太祖廣順元年三月壬午宴羣臣於廣政殿四月戊申幸城南園賜從官酒食未時還宮五月壬午幸城

南園賜從官酒食八月乙未幸班荆館賜從官酒食丙午宴羣臣於永福殿始舉樂十月壬辰幸城南園賜從官王饒王彥超等酒食午後還宮十二月乙未帝幸城西園賜從官酒食申時還宮 二年正月甲子宴宰相勳臣於廣政殿三月庚申幸城南園召宰相近臣諸統軍射己卯宴羣臣於永福殿八月丙申宴羣臣於永福殿九月甲寅朔宴宰臣前任藩侯郡守諸軍將校於廣政殿十月丙戌幸南園賜從官酒食庚子幸樞密院召近臣賜酒食十二月己亥宴於廣政殿 三年正月壬子朔朝賀畢御永福殿百寮稱觴獻壽舉教坊樂辛巳幸城南園賜從官酒食閏正月癸未宴見任前任節度防禦等使諸軍大將於廣政殿戊戌宴宰臣見任前任藩臣諸軍將校

於廣政殿壬寅幸城南園賜從官酒食二月壬午宴宰
臣前任藩帥禁衛大將於廣政殿三月甲午宴宰臣前
任藩帥禁衛大將於廣政殿丙午宴羣臣於永福殿戊
申幸城南園賜從官酒食四月乙丑幸城南園賜酒食
五月甲申宴宰相於廣政殿乙丑宴在京文武將相於
廣政殿壬寅幸城南園賜從官酒食七月丙午幸城南
園賜從官酒食八月甲寅宴文武將相於廣政殿丙寅
宴羣臣於永福殿十月丙辰幸城南園又幸城西園賜
從官酒食

世宗顯德元年七月甲戌宴文武百寮於永福殿八月
癸丑宴文武百寮於永福殿九月戊戌御永福殿宴文
武臣寮二年八月甲寅內庫法酒初熟帝面賜宰臣
樞密使以下數爵而止九月甲子宴宰臣樞密使侍衛
諸將以下食於萬歲殿三年十一月辛卯宴於廣政
殿四年二月辛酉詔文武百官今後凡遇入閣日宜
賜廊食五月乙巳宴文武百寮於廣政殿八月乙卯朔
御崇元殿文武百官入閣既罷賜百官廊食時帝御廣
德殿西樓以觀焉命中黃門閱視酒饌無不精腆九月
庚戌宴百寮於廣德殿五年五月丁亥宴文武於廣
政殿是月壬辰帝謂侍臣曰向來御廚造食各分等差
今後賜宴羣臣食物並須類從所食不得更有分別閏
七月庚申宴文武百官於廣德殿九月乙丑賜宰臣樞
密使三司使翰林學士中書舍人宴於玉津園張教坊
樂先是帝以前代有賜百官觀稼之事復以是歲秋成
又念內臣之勞故有是命十月庚辰宴文武百寮及諸
道進奉使於廣德殿丙申宴於廣政殿十二月乙酉宴

於廣政殿 六年正月壬子宴於廣政殿二月庚申宴
於廣政殿三月甲子宴於廣政殿壬申復宴於廣政殿
五月乙酉還京賜百官及諸道進奉使宴於迎春苑

右五代宴饗

宋史禮志宴饗之設所以訓恭儉示慈惠也宋制嘗以
春秋之季仲及聖節郊祀藉田禮畢巡幸還京凡國有
大慶皆大宴遇大災大札則罷天聖後大宴率於集英
殿次宴紫宸殿小宴垂拱殿若特旨則不拘常制凡大
宴有司預於殿庭設山樓排場為羣仙隊仗六番進貢
九龍五鳳之狀司天雞唱樓於其側殿上陳錦繡帷帟
垂香毬設銀香獸前檻內藉以文茵設御茶牀酒器於
殿東北楹間羣臣醜筭於殿下幕屋設宰相使相樞密
使知樞密院參知政事樞密副使同知樞密院宣徽使

三師三公僕射尚書丞郎學士直學士御史大夫中丞
三司使給諫舍人節度使兩使留後觀察團練使待制
宗室遙郡團練使刺史上將軍統軍軍廂指揮使坐於
殿上文武四品以上知雜御史郎中郎將禁軍都虞候
坐於朵殿自餘升朝官諸軍副都頭以上諸蕃進奉使
諸道進奉將軍以上分於兩廡宰臣使相坐以繡墩曲
行幸用參知政事以下用二蒲墩加扇毯曲宴樞密
机子使副並同軍都指
揮使以上用一蒲墩自朵殿而下皆緋緣氍毹條席殿上
器用金餘以銀其日樞密使以下先起居訖當侍立者
升殿宰相率百官入宣徽閣門通唱致辭謝宰相升殿
進酒各就坐酒九行每上舉酒羣臣立侍次宰相次百
官舉酒或傳旨命酌卽搯笏起飲再拜曲宴多或上壽朝
會止令滿酌不勸中飲更衣賜花有差宴訖舞蹈拜謝

而退

太祖建隆元年大宴於廣德殿酒九行而罷

乾德元年十一月南郊禮成大宴廣德殿謂之飲福

是後三年開寶三年五年六年七年八年並設秋宴於

大明殿以長春節在二月故也

蕙田案志所載太祖朝秋宴有六本紀俱不

書紀稱開寶二年七月甲子大宴則又志所

未及也

太祖本紀開寶二年七月甲子大宴賜宰相樞密使翰

林學士節度觀察使襲衣金帶 四年五月乙未朔御

明德門受劉鋹俘釋之大宴於大明殿銀預焉 九年

夏四月庚子有事圜丘于寅大宴賜親王近臣列校襲

衣金帶鞍馬器幣有差

太宗本紀太平興國二年二月壬寅大宴崇德殿不作

樂

禮志太平興國之後止設春宴在大明者十一在含光

者六宴日親王樞密使副宣徽三司使駙馬都尉皆侍

立軍校自龍武四廂都指揮使以上立於庭其宴契丹

使亦於崇德殿但近臣及刺史郎中而上預焉

蕙田案本紀淳化元年改大明殿為含光殿

大明與含光其實一殿也

太宗本紀淳化元年九月大宴崇政殿

禮志淳化四年正月以南郊禮成大宴含光殿直史館

陳靖上言古之饗宴者所以省禍福而觀威儀也故宴

以禮成賓以賢序風雅之作茲為盛焉伏見近年內殿

賜宴羣臣當坐於朵殿兩廊者拜舞方畢趨馳就席品

列之序糾紛無別及至尊舉爵羣臣起立先後不整俯仰失節欲望自今令有司預依品位告諭其有踰越班次拜起失節喧嘩過甚者並令糾舉又惟飫賜之典以寵武夫大烹之餘故爲盛饌計一飯所費可數人之屬厭而將校輩或至終宴之時尙有欲炙之色蓋執事者失於察視不及潔豐而使然也伏望並申嚴制

至道元年三月御史中丞李昌齡亦言廣宴之設以均飫賜得齒高會宜平盡禮而有位之士鮮克致恭當糾其不恪又供事禁庭當定員數籍姓名以謹其出入酒

穀之司或虧精潔望分命中使巡察並從之
真宗本紀咸平二年八月丁巳大宴崇德殿始作樂十一月庚寅大宴含光殿

禮志咸平三年二月大宴含光殿自是始備設春秋大

宴 五年御史臺言大宴起居舍人司諫正言三院使御史並坐於殿廊望自今移升朵殿自餘依舊十二月詔凡內宴宗正卿令升殿坐班次依合班儀翰林學士梁灝請以春秋大宴小宴賞花行幸次爲四圖頒下閣門遵守從之

景德二年九月詔曰朝會陳儀衣冠就列將以訓上下彰文物宜慎等威用符紀律況屢頒於條令宜自顧於典刑稍厯歲時漸成懈慢特申明制以儆具寮自今宴會宜令御史臺預定位次各令端肅不得誼譁違者殿上委大夫中丞朵殿委知雜御史侍御史廊下委左右巡使察視彈奏內職殿直以上赴起居入殿庭行私禮者委閣門彈奏其軍員令殿前侍衛司各差都校一人提轄但虧失禮容卽送所司勘斷訖奏仍令閣門宣徽

使互相察舉敢蔽匿者糾之

真宗本紀景德二年十一月庚申大宴含光殿 三年

秋七月甲子大宴含光殿始用樂 四年八月丁未中

書門下言莊穆皇后祥除已久秋宴請舉樂不允壬子

中書門下再表請秋宴聽樂又不允

大中祥符元年十一月丁丑帝至自泰山乙酉大宴含

光殿

禮志大中祥符元年十二月詔宣徽院御史臺閣門殿

前馬步軍司凡內宴臣寮軍員并祇候使臣等並以前

後儀制曉諭務令遵稟違者密具名聞其軍員有因酒

言詞失次及醉仆者卽先扶出或遣殿前司量添巡檢

軍士護送歸營又詔臣僚有託故請假不赴宴者御史

臺糾奏

真宗本紀四年二月大宴羣臣於穆清殿三月丙戌大

宴大明殿四月丙辰大宴含光殿

蕙田案改大明殿爲含光在太宗朝此復云

大明殿疑誤

九年八月戊子以旱罷秋宴

天禧元年九月戊申以蝗罷秋宴

禮志天禧四年直集賢院祖士衡言大宴將更衣羣臣

下殿然後更衣更衣後再坐則羣臣班於殿庭候上升

坐起居謝賜花再拜升殿

仁宗天聖三年監察御史朱諫言伏見大宴宗室先退

允爲得禮尙有文武臣僚父子兄弟者皆預再坐欲望

自今內宴百官有父子兄弟叔姪同赴再坐時卑者先

退

慶曆七年御史言凡預大宴并御筵其所賜花並須戴
歸私第不得更令僕從持戴違者糾舉

仁宗本紀慶曆八年八月己丑以河北京東西水災罷
秋宴

嘉祐七年春三月甲子以旱罷大宴

禮志神宗熙甯二年正月閣門言準詔裁定集英殿宴
入殿人數中書二十二入樞密院三十入宣徽院八入
親王八入昭德軍節度使兼侍中曹份三人皇親使相
三人皇親正刺史以上至節度使并駙馬都尉各一人
翰林司一百七十八人御厨六百人儀鸞司一百五十
人祇候庫二十人內衣物庫七人新衣庫七人內弓箭
庫三人鈐轄教坊所三人鐘鼓樓一十六人御藥院八
人內物料庫九人法酒庫一十六人內酒坊八人內

內侍省前後行親事官共五人皇城司職員手分二人
御史臺知班一十一人灑掃親從官人員已下一百人
兩廊覲步親從官四十二人提舉司勾押官手分三人
提舉火燭巡檢人員一十人快行親從官一十一人支
散兩省花後苑造作所工匠等四人客省承受行首八
人四方館職掌二人閣門承受行首已下一十八人是
歲十一月以皇子生宴集英殿 七年九月詔自今大
宴親王皇親使相樞密使副使宣徽使駙馬都尉並於
殿門外幕次就賜酒食舊制會食集英西廊之廡下喧
嘩爲甚權發遣宣徽院吳充奏其事故有是命

神宗本紀元豐二年九月丁亥大宴集英殿

禮志元豐七年二月大宴集英殿命皇子延安郡王侍
立宰相王珪等率百官廷賀詔曰皇家慶事與卿等同

之珪等再拜稱謝久之王乃退時王未出閣帝特令侍
宴以見羣臣 九年閣門言大宴不用兩軍妓女只用
教坊小兒之舞王拱辰請以女童代之

蕙田案元豐紀元止於八年此云九年者蓋

九月之誤

八年詔罷獨看故事大宴前一日御殿閱百戲謂之獨
看修國史范祖禹言是日進神宗紀草陛下覽先帝史
冊甫畢即觀百戲理似未安故請罷之

蕙田案獨看之禮本不經見況在諒闇之中

平濬夫請罷之極是

哲宗元祐三年二月罷春宴八月罷秋宴以魏王出殯
翰林學士蘇軾不進教坊致語故也是後以時雨未足
集英殿試舉人尚書省火禁中祈禳邠國公主未敢皆

罷宴凡大宴有故而罷則賜預宴官酒饌於閣門朝堂
升殿官雖假故不從游宴亦遣中使就第賜焉親王中
書樞密宣徽三司使副學士步軍都虞候以上三師三
公東宮三師三公以下曾任中書門下致仕者亦同

哲宗本紀元祐四年三月丁亥以不雨罷春宴

紹聖三年三月壬辰以禁中屢火罷春宴 四年九月

壬子以星變罷秋宴

元符元年九月丁未以霖雨罷秋宴 二年九月壬戌

雨罷秋宴

禮志徽宗大觀三年議禮局上集英殿春秋大宴儀其
日預宴文武百官詣殿庭東西相向立皇帝出御需雲
殿閣門內侍管軍等起居皇帝降坐御集英殿鳴鞭殿
中監以下通班起居殿中監少監升殿通喚閣門官升

殿攝左右軍巡使鞞笏起居訖繫鞵執杖侍立餘非應
奉官分出次鐘鼓樓節級就位四拜起居次舍人通喚
訖分引羣官橫行北向東上閣門官贊大起居班首出
班俛伏跪致辭訖俛伏興復位羣官再拜舞蹈又再拜
贊各就坐再拜舍人分引升殿席前相向立朵殿兩廡
官立於席後有遼使則舍人引大遼舍利西入大起居
贊各就坐贊再拜贊就坐引升西廊次舍人傳事引從
人分入四拜起居謝坐並同舍利儀教坊使以下通班
大起居看醜人謝升殿再拜內侍進御茶床殿侍酌酒
訖次贊天武門外祗候東上閣門官詣御坐奏班首姓
名以下進酒舍人分引殿上臣僚橫行北向贊再拜舍
人引班首稍前東上閣門官接引詣御坐東北向搢笏
殿中監奉盤醜授班首少監啟醜以酒注之班首奉詣

御前進訖少退虛跪興以槃授殿中監出笏東上閣門
官引退舍人接引復位贊再拜舍人引班首稍前殿上
臣僚席前相向立東上閣門官接引詣御坐東北向搢
笏殿中監授槃奉詣御前西向立樂作皇帝飲訖舍人
分引殿上臣僚橫行北向東上閣門引班首接醜退虛
跪興授醜殿中監出笏引退舍人接引復位贊再拜贊
各賜酒羣臣再拜贊各就坐羣官皆立席後復贊就坐
酒初行羣官搢笏授酒先宰相次百官皆作樂皇帝再
舉酒並殿中監
少監進羣臣俱立席後樂作飲訖贊各就坐復行
羣臣酒飲訖皇帝三舉酒皆如第一之儀尙食典奉御
進食太官設羣臣食樂作賜祇應臣僚酒食贊謝拜訖
復位皇帝四舉酒並典御
進酒樂工致語羣臣皆立席後致語
訖贊百官再拜就坐樂作皇帝五舉酒樂工奏樂庭下

舞隊致詞樂作舞隊出東上閤門奏再坐時刻俟放隊
訖內侍舉御茶床皇帝降坐鳴鞭羣臣退賜花再坐前
二刻御史臺東上閤門催班羣臣戴花北向立內侍進
班齊牌皇帝詣集英殿百官謝花再拜又再拜就坐內
侍進御茶牀皇帝舉酒殿上奏樂庭下作樂皇帝再舉
酒殿上奏樂庭下舞隊前致語樂作出皇帝三舉酒四
舉酒皆如上儀若宣示醜卽隨所向閤門官以下揖稱
宣示醜躬贊就坐若宣勸卽立席後躬飲訖贊再拜內
侍舉御茶牀舍人引班首以下降階再拜舞蹈又再拜
訖分班出閤門官側奏無公事皇帝降坐鳴鞭 集英
殿飲福大宴儀初大禮畢皇帝逐頓飲福餘酒封進入
內宴日降出酒旣三行泛賜預坐臣僚飲福酒各一醜
羣臣飲訖宣勸各興立席後贊再拜謝訖復坐飲並如

春秋大宴之儀

高宗紹興十三年三月三日詔宴殿陳設止用緋黃二
色不用文繡令有司遵守更不制造五月閤門修立集
英殿大宴儀注

蕙田案南渡以後大宴之禮久廢至是歲五
月天申節大宴集英殿始修東京故事

孝宗乾道八年十二月詔今後前宰相到闕如遇赴宴
賜茶其合坐墩杌非特旨並依官品又行門禁衛諸色
祇應人依紹興例並賜絹花自是惟正旦生辰郊祀及
金使見辭各有宴然大宴視東京時則亦簡矣

蕙田案南渡無春秋二宴甯宗開禧二年以
用兵罷瑞慶節宴理宗端平三年以星變罷
天基節宴度宗咸淳九年以襄陽陷罷乾會

節宴則聖節之宴亦有不舉者矣
又案以上宋大宴

宋史禮志曲宴凡幸苑囿池籞觀稼畋獵所至設宴惟從官預謂之曲宴或宴大遼使副於紫宸殿則近臣及刺史正郎都虞候以上預暮春後苑賞花釣魚則三館秘閣皆預

太祖建隆元年七月親征澤潞宴從臣於河陽行宮又宴韓令坤已下於禮賢講武殿賜襲衣器幣鞍馬以賞澤潞之功也

乾德三年七月六日詔皇弟開封尹宰相樞密使翰林學士中書舍人泛舟後苑新池張樂宴飲極歡而罷是歲重陽宴近臣於長春殿

太宗太平興國九年三月十五日詔宰相近臣賞花於

後苑帝曰春氣暄和萬物暢茂四方無事朕以天下之樂爲樂宜令侍從司臣各賦詩

雍熙二年四月二日詔輔臣三司使翰林樞密直學士尚書省四品兩省五品以上三館學士宴於後苑賞花釣魚張樂賜飲命羣臣賦詩習射賞花曲宴自此始

三年十一月一日大雨雪帝喜御玉華殿詔宰臣及近臣謂曰春夏以來未嘗飲酒今得此嘉雪思與卿等同醉又出御製雪詩令侍臣屬和

眞宗咸平二年二月晦賞花於後苑帝作中春賞花釣魚詩儒臣皆賦遂射於水殿盡歡而罷自是遂爲定制四年十一月二十日御龍圖閣曲宴詔近臣觀太宗草行飛白篆籀八分書及畫

景德二年十二月五日宴尚書省五品諸軍都指揮使

以上契丹使於崇德殿不舉樂以明德太后喪制故也
時契丹初來賀承天節擇膳夫五人齋本國異味就尙
食局造食詔賜膳夫衣服銀帶器帛六年七月二十
九日詔輔臣觀粟於後苑御山子觀御製文閣御書及
嘉禾圖賜飲是日皇子從游四年七月十一日詔近
臣及寇準馮拯觀內苑穀遂宴於玉宸殿十月二十九
日詔皇太子宗室近臣諸帥赴玉宸殿翠芳亭觀稻賜
宴仍以稻分賜之

蕙田案景德改元止於四年志稱六年者大
中祥符之六年也其後又稱四年者天禧之
四年也真宗以天禧二年始冊皇太子此稱
皇太子必在天禧以後矣本紀天禧四年十
月丙午召皇子宗室近臣玉宸殿觀稻賜宴

卽其事也此皆史文之脫誤

仁宗天聖三年上元節乃朝謁景靈上清宮啟聖院相
國寺還御正陽門宴從官觀燈次日太后詔命婦臨觀
及春秋大宴歲爲常夏觀南御莊刈麥秋瑞聖園刈穀
並宴從官或射不爲常

皇祐五年後苑寶政殿刈麥謂輔臣曰朕新作此殿不
欲植花歲以種麥庶知穡事不易也自是幸觀穀麥惟
就後苑春夏賞花釣魚則歲爲之

嘉祐七年十二月特召兩府近臣三司副使臺諫官皇
子宗室駙馬都尉管軍臣僚至龍圖天章閣觀三聖御
書及寶文閣爲飛白分賜下逮館閣官製觀書詩賜韓
琦以下和進遂宴羣玉殿傳詔學士王珪撰詩序刊石
於閣數日再會天章閣觀三朝瑞物復宴羣玉殿酒行

上曰天下久無事今日之樂與卿等共之宜盡醉勿復辭因召韓琦至御榻前別賜一大卮出禁中名花金盤貯香藥令各持歸莫不霑醉至暮而罷

神宗熙寧元年四月御史中丞滕甫言臣聞君命召不俟駕此臣子所以恭其上也今錫宴而有託辭不至者甚非恭上之節也請自今宴設羣臣非大故與實有疾病無得託辭仍令御史臺察舉 二年八月實錄書成皆宴垂拱殿十月修定閣門儀制所言垂拱殿曲宴當直翰林學士與觀文資政龍圖寶文樞密直龍圖天章寶文閣直學士並赴坐而翰林學士兼他職者不預考之官制似未齊一請自今曲宴翰林學士與雜學士並赴從之

蕙田案書成賜宴始此

神宗本紀元豐五年秋七月丁未垂拱殿宴修史官十一月庚寅紫宸殿宴侍祠官

禮志哲宗紹聖三年十一月以進神宗皇帝實錄畢曲宴宰臣執政文臣試侍郎武臣觀察使以上并修國史官赴坐

元符元年五月詔受寶畢宴於紫宸殿宰臣以下文臣執事官六曹員外郎監察御史以上武臣郎將諸軍副指揮使以上預坐

徽宗大觀三年議禮局上垂拱殿曲宴儀皇帝視事畢東上閣門進呈坐圖舍人奏閣門無公事皇帝降坐鳴鞭入殿後閣諸司排設備東上閣門附內侍奏班齊皇帝出閣升坐鳴鞭三公直學士以上親王使相至觀察使以上分東西入詣殿庭橫行北向立定班首奏聖躬

萬福舍人贊各就坐再拜訖分引詣東西階升殿席前相向立次教坊使以下常起居次看醜人謝升殿次內侍進御茶床殿侍酌酒訖閣門詣御坐躬奏班首姓名以下進酒舍人分引殿上臣僚橫行北向贊再拜班首奉酒躬進樂作皇帝飲訖舍人贊各賜酒羣官俱再拜贊各就坐羣官皆立席後復贊就坐酒初行先宰相次百官皆作樂此後尚食典奉御進食太官令設羣官食酒五行若宣示醜此後即隨所向閣門揖稱宣示醜躬贊就坐若宣勸即立席後躬飲贊再拜內侍舉御茶床舍人引班首以下降階橫行北向再拜分班出皇帝降坐上已重陽賜宴儀其日預宴官以下並赴宴所就次諸司排設備預宴官以下詣庭中望闕位立次中使詣班首之左稍前立中使宣曰有敕在位官皆再拜訖中使宣

曰賜卿等御筵在位官皆再拜搢笏舞蹈又再拜中使退預宴官分東西升階就坐酒行樂作飲訖食畢樂止酒五行預宴官並興就次賜花有差少頃戴花畢預宴官詣望闕位立謝花再拜訖復升就坐酒行樂作飲訖食畢樂止酒四行而退

蔡京保和殿曲宴記宣和元年九月十二日皇帝召臣蔡京臣王黼臣燕王僕臣楚王似臣嘉王楷臣嗣僕王仲理臣童貫臣馬熙載臣蔡攸臣蔡條臣蔡條

和殿
季邦彥延福宮曲宴記宣和二年十二月癸巳召宰執親王等曲宴於延福宮特召學士承旨臣邦彥學士臣宇文粹中與示異恩也

蕙田案以上宋曲宴

宋史禮志賜酺自秦始皇法三人以上會飲則罰金故因事賜酺吏民會飲過則禁之唐嘗一再舉行太宗雍熙元年十二月詔曰王者賜酺推恩與眾共樂所以表升平之盛事契億兆之歡心累朝以來此事久廢蓋逢

多故莫舉舊章今四海混同萬民康泰嚴禋始畢慶澤均行宜令士庶之情共慶休明之運可賜酺三日二十一日御丹鳳樓觀酺召侍臣賜飲自樓前至朱雀門張樂作山車早船往來御道又集開封府諸縣及諸軍樂人列於御街音樂雜發觀者溢道縱士庶游觀遷市肆百貨於道之左右召畿甸耆老列坐樓下賜之酒食明日賜羣臣宴於尚書省仍作詩以賜明日又宴羣臣獻歌詩賦頌者數十人

真宗景德四年二月甲申上御五鳳樓觀酺宗室近臣侍坐樓前露臺奏教坊樂後二日上復御樓賜宗室文武百官宴於都亭驛賜諸班諸軍將校羊酒

大中祥符元年正月詔應致仕官並令赴都亭驛酺宴御樓日合預坐者亦聽又詔朝臣已辭未見並聽赴會

凡賜酺命內諸司使三人主其事於乾元樓前露臺上設教坊樂又駢繫方車四十乘上起綵樓者二分載鈞直開封復爲棚車二十四每十二乘爲之皆駕以牛被之錦繡縈以綵紉分載諸軍京畿伎樂又於中衢編木爲欄處之徙坊市邸肆對列御道百貨駢布競以綵幄鏤版爲飾上御乾元門召京邑父老分番列坐樓下傳旨問安否賜以衣服茶帛若五日則第一日近臣侍坐特召丞郎給諫上舉觴教坊樂作二大車自昇平橋而北又有旱船四挾之以進棚車由東西街交鶩並往復日再焉東距望春門西連闔闔門百戲競作歌吹騰沸宗室親王近列收伯洎舊臣宗室官爲設綵棚於左右廊廡士庶縱觀車騎填溢歡呼震動第二日宴羣臣百官於都亭驛宗室於親王宮第三日宴宗室內職於都

亭驛近臣於宰相第第四日宴百官於都亭驛宗室於外苑第五日復宴宗室內職於都亭驛近臣於外苑上多作詩賜令屬和及別爲勸酒詩禁軍將校日會於殿前馬步軍之解

蕙田案以上宋賜酺之宴

又案秦漢以下賜大酺者俾吏民會聚飲酒非朝廷宴饗之禮也宋始於御樓觀酺之日賜宗室臣工宴以樂之一時民物蕃庶及上下同樂之意皆可想見

觀承案賜酺雖不見於經然周禮地官族師云春秋祭酺亦如之注云酺者爲人物災害之神也族長無飲酒之禮因祭酺而與其民以長幼相獻酬焉豈非卽酺飲之禮乎王氏

曰古禮民不得羣飲故漢文賜民大酺五日此言春秋祭酺蓋亦祭社畢而民得相與飲酒因以書其行也据此則祭酺卽賜酺之始無疑故秦漢以來都行之但相沿而轉失其實或不必祭酺而直賜之大酺五日耳是則經證顯然宋志謂始於秦者特考之未詳耳禮志游觀天子歲時游豫則上元幸集禧觀相國寺御宣德門觀燈首夏幸金明池觀水嬉瓊林苑宴射大祀禮成則幸太一宮集禧觀相國寺恭謝或詣諸寺觀焚香或至近郊閱武觀稼其事益不一焉三元觀燈本起於方外之說自唐以後常於正月望夜開坊市門然燈宋因之上元前後各一日城中張燈大內正門結綵爲山樓影燈起露臺教坊陳百戲天子先

幸寺觀行香遂御樓或御東華門及東西角樓飲從臣
四夷蕃客各依本國歌舞列於樓下東華左右掖門東
西角樓城門大道大宮觀寺院悉起山棚張樂陳燈皇
城雉堞亦徧設之其夕開舊城門達旦縱士民觀後增
至十七十八夜

蕙田案以上宋游觀及觀燈之宴紀志所載
事迹甚繁以非宴饗之正故略而不敘

右宋宴饗

遼史太宗本紀天顯四年春正月壬申朔宴羣臣及諸
國使觀俳優角觝戲五月癸酉謁二儀殿宴羣臣
會同三年五月庚午以端午宴羣臣及諸國使命回鶻
燉煌二使作本俗舞俾諸使觀之
穆宗本紀應歷十四年冬十一月壬午日南至宴飲達

旦十六年秋九月庚子以重九宴飲夜以繼日至壬
子乃罷十七年夏五月壬辰罷重五宴十八年正
月乙酉朔宴於宮中不受賀己亥觀燈於市以銀百兩
市酒命羣臣亦市酒縱飲三夕
景宗本紀乾亨四年三月乙未清明與諸王大臣較射
宴飲

聖宗本紀統和三年閏九月庚辰重九駱駝山登高賜
羣臣菊花酒五年春三月幸長春宮賞花釣魚以牡
丹徧賜近臣歡宴累日

道宗本紀清寧元年十二月應聖節上太皇太后壽宴
羣臣命婦四年十一月癸酉行再生及柴冊禮宴羣
臣於八方陂

蕙田案遼時正旦冬至生辰清明重五重九

五禮通考卷一百一
三
皆有宴又仿宋制有賞花釣魚宴又有頭魚
頭鷺宴及再生柴冊禮成宴則國俗所有也

金史禮志曲宴儀皇帝卽御座鳴鞭報時畢殿前班小
起居到侍立位引臣僚并使客左入傍折通班至丹墀
舞蹈五拜各上殿祇候分引預宴官上殿其餘臣僚右
出次引宋使從人入至丹墀再拜不出班奏聖躬萬福
又再拜有敕賜酒食又再拜引左廊立次引高麗夏從
人入分左右廊立果牀入進酒皇帝舉酒時上下侍立
官並再拜接盞畢候進酒官到當坐者再拜坐卽行
臣使酒傳宣立飲畢再拜坐次從人再拜坐至四盞餅
茶入致語聞鼓笛時揖臣使并從人立口號絕坐宴并
侍立官並再拜坐次從人再拜坐食入五盞歇宴教坊
謝恩畢揖臣使起果牀出皇帝起入閣臣使下殿歸幕
次賜花從人隨出戴花畢先引從人入左右廊立次引
臣使入左右上殿位立皇帝出閣坐果牀入坐立並再
拜坐次從人再拜坐九盞將曲終揖從人至位再拜引
出閣曲時揖臣使起再拜下殿果牀出至丹墀謝宴舞
蹈五拜分引出

蕙田案元旦聖誕上壽儀已見朝賀門不重
載

熙宗本紀皇統元年二月己未上宴羣臣於瑤池殿
海陵本紀貞元三年十一月丙辰燕百官於泰和殿
世宗本紀大定二年正月辛未御太和殿宴百官宗戚
命婦賜賚有差 三年五月乙未以重五幸廣樂園射
柳命皇太子親王百官皆射勝者賜物有差上復御常
武殿賜宴擊毬自是歲以爲常 二十八年三月御慶

和殿受羣臣朝復宴於神龍殿諸王公主以次奉觴上壽上歡甚

章宗本紀明昌五年秋七月丙戌以天壽節宴樞光殿承安元年七月御紫宸殿受諸王百官賀賜諸王宰執酒敕有司以酒萬尊置通衢賜民縱飲

禮志承安三年正月上諭旨有司曰比聞宋國花宴殿上不設餽饌至其歇時乃備於廊下今花宴上賜食甚為拘束若依彼例可乎且向者人使見辭殿上亦嘗有酒禮今已移在館宴矣有司奏曰曲宴之禮舊矣彼方酒一行食一上必相須成禮而國朝之例酒既罷而食始進至於花宴日宋使至客省幕次有酒禮而我使至其幕則有食而無酒各因其舊不必相同古者宴禮設食以示慈惠今遽更之恐遠人有疑失朝廷寵待臣子

之意乃命止如舊

章宗本紀承安四年七月敕宣徽院官天壽節凡致仕宰執悉召與宴

衛紹王本紀崇慶元年八月萬秋節以兵事不設宴

宣宗本紀貞祐三年正月曲宴羣臣宋使定文武五品以上侍坐員遂為常制

元史禮樂志元之有國肇興朔漢朝會宴饗之禮多從本俗世祖至元八年命劉秉忠許衡始制朝儀而大饗宗親錫宴大臣猶用本俗之禮為多

輟耕錄天子凡宴享一人執酒觴立於右階一人執拍板立於左階執板者抑揚其聲贊曰幹脫執觴者如其聲和之曰打粥則執板者節一板從而王侯卿相合坐者坐合立者立於是眾樂皆作然後進酒詣

上前上飲畢授觴眾樂皆止別奏曲以飲陪位之官
謂之喝蓋蓋沿襲金舊禮至今不廢諸王大臣非有
賜命不敢用焉幹脫打弼未考其儀

右遼金元宴饗

明史禮志明制有大宴中宴常宴小宴洪武元年大宴
羣臣於奉天殿三品以上陞殿餘列於丹墀遂定正旦
冬至聖節宴謹身殿禮二十六年重定大宴禮陳於奉
天殿永樂元年以郊祀禮成大宴十九年以北京郊社
宗廟及宮殿成大宴宣德正統間朝官不與者給賜節
錢

明會典大宴儀洪武二十六年定是日尚寶司設御座
於奉天殿錦衣衛設黃麾於殿外之東西金吾等衛設
護衛官二十四員於殿東西教坊司設九奏樂歌於殿

內設大樂於殿外立三舞雜隊於殿下光祿司官設酒
亭於御座下之西膳亭於御座下之東珍羞醯醢亭於
酒膳亭之東西設御筵於御座之東西設羣臣四品以
上位於殿內之東西設羣臣酒尊食桌於殿外設五品
以下位桌於東西兩廊司盃尚食各供乃事引禮引羣
臣殿外東西相向立儀禮司跪奏請陞座駕興大樂作
陞座鳴鞭樂止鳴贊引文武官四品以上由東西門入
殿中橫班北向立五品以下官列於殿外丹墀北向立
樂作贊四拜樂止光祿司官進御筵大樂作捧案至御
前樂止進花樂作進訖樂止光祿司官開爵注酒捧詣
御前進第一爵酒教坊司跪奏一奏炎精開運之曲贊
內外官皆跪教坊司跪奏進酒飲畢贊眾內外官俯伏
興樂作贊四拜平身樂止贊各就位序班隨進羣臣桌

散花樂作散訖樂止序班卽進羣臣蓋第二爵酒教坊司跪奏二奏皇風之曲樂作光祿司官斟酒御前序班隨斟羣臣酒教坊司跪奏進酒候皇帝舉酒羣臣以次舉飲訖樂止光祿司官進湯鼓吹響節前導至殿外鼓吹止殿上樂作羣臣起立光祿司官進湯御前羣臣復位序班卽供羣臣湯樂止教坊司跪奏進湯樂作候皇帝舉箸羣臣次舉皇帝進湯訖贊饌成樂止武舞入教坊司跪奏平定天下之舞舞畢出第三爵酒教坊司跪奏三奏眷皇明之曲樂作進酒如前儀樂止教坊司跪奏撫安四夷之舞舞畢出第四爵酒教坊司跪奏四奏天道傳之曲樂作進湯如前儀食畢教坊司跪奏車書會同之舞舞畢出第五爵酒教坊司跪奏五奏振皇綱之曲進酒如前儀飲畢教坊司跪奏百戲承應舞畢出

第六爵酒教坊司跪奏六奏金陵之曲進酒進湯如前儀教坊司跪奏八蠻獻寶進呈舞畢出第七爵酒教坊司跪奏七奏長楊之曲進酒如前儀教坊司跪奏採蓮隊子承應畢出第八爵酒教坊司跪奏八奏芳醴之曲進酒進湯如前儀食畢教坊司跪奏魚躍於淵承應畢出第九爵酒教坊司跪奏九奏駕六龍之曲進酒如前儀飲訖光祿司官收御前爵序班隨收羣臣蓋光祿司官進湯進大膳大樂作羣臣起立進訖復坐序班隨供羣臣飯教坊司跪奏進膳食訖贊膳成樂止光祿司官收膳訖教坊司跪奏百花隊舞承應舞畢出鳴贊唱徹案序班撤羣臣桌訖光祿司官卽撤御案贊宴成羣臣皆出席北向立序班卽撤羣臣坐殿外官皆詣丹墀北向立贊鞠躬樂作贊四拜興平身樂止羣臣分東西立

儀禮司跪奏禮畢駕興大樂作鳴鞭百官以次出中
宴常宴凡中宴禮儀同大宴但進酒七爵凡常宴同中
宴但百官一拜三叩頭進酒或三爵或五爵而止
續定大宴儀是日陳設如前儀駕自右順門至奉天門
丹陛大樂作陞座鴻臚寺官贊拜百官四拜興平身樂
止光祿司官進御筵內官捧案進膳樂作設案畢樂止
內官進花進膳樂作進訖樂止教坊司跪奏一奏上萬
壽之曲侑食樂作內官斟酒捧爵至御案前鴻臚寺贊
跪文武百官皆跪教坊司跪奏進酒鴻臚寺官贊俯伏
興平身樂止贊各就位百官就坐簪花訖教坊司跪奏
平定天下之舞舞畢出教坊司跪奏二奏仰天恩之曲
樂作內官斟酒捧爵至御案前教坊司奏進酒進酒畢
樂止殿外導湯樂作至殿內迎湯樂作內官捧湯至御

案前教坊司奏進湯樂作鴻臚寺官贊饌成內官撤湯
樂止教坊司奏黃童白叟鼓腹謳歌承應舞畢奏撫安
四夷之舞舞畢教坊司跪奏三奏感地德之曲樂作進
酒如前儀樂止教坊司跪奏車書會同之舞舞畢教坊
司跪奏四奏民樂生之曲樂作進酒如前儀樂止殿外
導湯樂作至殿內迎湯樂作內官捧湯至御案前教坊
司奏進湯樂作鴻臚寺官贊饌成內官撤湯樂止教坊
司跪奏表正萬邦之舞舞畢教坊司跪奏五奏感皇恩
之曲樂作進酒如前儀樂止殿外導湯樂作至殿內
迎湯膳樂作內官捧湯膳至御案前教坊司奏進膳樂
作鴻臚寺官贊饌成內官撤湯膳并御筵樂止教坊司
跪奏天命有德之舞舞畢奏纓鞭德勝蠻夷隊舞承應
畢教坊司更進致語畢鴻臚寺官贊四拜興平身樂止

鴻臚寺官跪奏禮畢

蕙田案炎精開運九曲洪武十五年所定上
萬壽五曲永樂十八年所定凡宴饗樂章已
見朝賀門不重載

凡大祀天地次日慶成大宴文武百官及四夷使臣土
官人等其位次公侯駙馬伯文職四品以上及學士武
職都指揮使以上陞殿東西侍坐學士坐於文職四品
官之上翰林院左右春坊經筵官六科都給事中左右
給事中尚寶司卿少卿司丞通政司參議大理寺寺丞
國子監司業翰林院帶俸參議太常寺寺丞鴻臚寺少
卿寺丞順天府治中欽天監監正監副太醫院院使院
判神樂觀提點道錄司知觀等官中左門序坐皇親都
指揮同知僉事達官都指揮同知僉事署都指揮僉事

皇親正副千戶百戶所鎮撫兵馬都指揮外國副使野
人都指揮等官中右門序坐翰林院修撰等官六科給
事中監察御史中書舍人陪祀郎中員外郎五府經歷
都察院經歷都事照磨檢校司務翰林院帶俸官太常
寺典簿博士等官犧牲所千戶詹事府主簿通事舍
人鴻臚寺署丞主簿序班欽天監五官等官太醫院御
醫達官指揮使同知僉事正千戶副千戶百戶所鎮撫
外國人等丹墀東序坐指揮使指揮同知陪祀指揮同
知僉事外國人等丹墀西序坐其遇朝覲各布政使方
面行太僕寺卿運使知府官員陪祀者與宴方面官列
於中左門班次卿運使知府列於東丹墀班次衍聖公
張真人與宴列於二品文官班次其餘真人領宴及以
事故者亦領宴其法王佛子國師禪師僧官喇嘛俱於

大慈恩寺宴內官一員侍宴先期禮部官行各衙門開
與宴官員職名畫位次進呈仍懸長安門示眾宴之日
糾儀御史四人二人立於殿東西二人各於丹墀左右
錦衣衛鴻臚寺禮科亦各委官糾舉

凡正旦冬至萬壽聖節洪武永樂間大宴並如慶成儀
宣德正統間朝官不預宴者給賜節錢鈔錠各處進表
官亦令預宴免宴則通賜節錢宣德正統以後遇節令
文武官及外吏人員并國師以下除有宴外其餘官吏
人等俱照例關支節錢官并監生鈔一錠儒士知印吏
典僧道樂工二貫若奉旨免宴關與節錢大小官員各
鈔一錠遂為定例

徐氏乾學曰秦明代凡遇聖節正旦冬至皆賜羣臣宴官卑祿薄者免宴賜以鈔謂之節錢俾均惠其家屬自正統後內臣用事者畏侍宴上立遂罷宴皆給而成例

蕙田案以上大宴

明史禮志凡立春元宵四月八日端午重陽臘八日永
樂間俱於奉天門賜百官宴用樂其後皆宴於午門外
不用樂立春日賜春餅元宵日團子四月八日不落莢
嘉靖中改不落莢為麥餅端午日涼糕糗重陽日糕臘八日麪俱設午門
外以官品序坐宣德五年冬久未雪十二月大雪帝示
羣臣喜雪詩復賜賞雪宴羣臣進和章帝擇其寓警戒
者錄之而為之序

春明夢餘錄大宴之外如遇立春日春餅元宵團子
四月初八日佛誕日用不落莢端午涼糕糗子重陽
糕臘八日麪俱先期奏請至日早朝畢復奏百官隨
一拜三叩頭起宴畢復一拜三叩頭而出嘉靖十四
年四月上諭夏言曰內殿禮儀四月八日俗事宜革

其賜百官不落莢亦當改已復諭曰禮記月令謂是月麥先熟薦寢廟今歲以孟夏之五日薦麥內殿賜百官麥餅大學士張孚敬李時奏曰不落莢者相沿釋氏之說於理無據仰見皇上據經析理得先王遺意遂著為令查神宗年光祿司誌稱四月初八日英華殿欽安殿用大不落莢二百對小不落莢三百對而乾清坤甯翊坤等宮每宮大五十對小一百對各小宮大三十對小五十對多人每不落莢四個皆以糯米粳米黑糖蜜紅棗為之則世廟所廢神宗時似復行矣惟宴改為麥餅則在四月初五日於午門前宴百官有上桌中桌二樣閣部單坐宮坊以下各雙坐

蕙田案嘉靖以後改四月八日宴於四月五

日明志失載

又案以上節宴

禮志皇太后聖誕正統四年賜宴午門東宮千秋節永樂間賜府部堂上春坊科道近侍錦衣衛及天下進箋官宴於文華殿宣德以後俱宴午門外明會典凡皇太后壽且正統四年賜百官宴於午門外皇太后聖旦節皇后令旦節正統間上桌按酒四盤菜四色點心一牒壽麪一碗酒三鍾中合桌同壽麪二碗酒六鍾

蕙田案據會典則皇后令旦亦有宴明史失載

又案以上明皇太后皇后皇太子生辰賜宴禮志凡祀圜丘方澤祈穀朝日夕月耕藉經筵日講東

宮講讀皆賜飯親蠶賜內外命婦飯纂修校勘書籍開館暨書成皆賜宴閣臣九年考滿賜宴於禮部九卿侍宴

蕙田案此因事賜宴

凡宴命婦坤甯宮設儀仗女樂皇后常服陞座皇妃皇太子妃王妃公主亦常服隨出閣入就位大小命婦各立於座位後丞相夫人率諸命婦舉御食案丞相夫人捧壽花二品外命婦各舉食案於皇妃皇太子妃王妃公主前大小命婦各就座位奉御執事人分進壽花於殿內及東西廡酒七行上食五次酌酒進湯樂作止並如儀

蕙田案此中宮賜宴禮

右明宴饗

五禮通考卷第一百六十

五禮通考卷第一百六十

禮

